



Broj: 02-05-23496-1/19
Sarajevo, 13.06.2019. godine

Na osnovu člana 26. i 28. stav (4) Zakona o Vladi Kantona Sarajevo ("Službene novine Kantona Sarajevo", broj: 36/14 – Novi prečišćeni tekst, 37/14 – Ispravka), Vlada Kantona Sarajevo na **25.** sjednici održanoj **13.06.2019.** godine, donijela je

ZAKLJUČAK

1. Utvrđuje se Prijedlog zakona o izmjenama i dopunama zakona o nabavljanju, držanju i nošenju oružja i municije.
2. Predlaže se Skupštini Kantona Sarajevo da Prijedlog zakona iz tačke 1. ovog Zaključka donese po hitnom postupku u skladu sa članom 159. Poslovnika Skupštine Kantona Sarajevo („Službene novine Kantona Sarajevo“, broj 41/12-Drugi novi prečišćeni tekst, 15/13, 47/13, 47/15 i 48/16).

PREMIJE

Edin Forto

Dostaviti:

1. Predsjedavajući Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo unutrašnjih poslova Kantona Sarajevo
5. Evidencija
6. Arhiva



web: <http://vlada.ks.gov.ba>
e-mail: ssv@ssv.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
VLADA**

**ZAKONA O IZMJENAMA I DOPUNAMA ZAKONA O NABAVLJANJU,
DRŽANJU I NOŠENJU ORUŽJA I MUNICIJE
(Prijedlog)**

**Nosilac izrade:
Ministarstvo unutrašnjih poslova**

Sarajevo, juni 2019. godine

“PRIJEDLOG”

Na osnovu člana 18. tačka b) Ustava Kantona Sarajevo (“Službene novine Kantona Sarajevo”, broj 1/96, 2/96-Ispravka, 3/96-Ispravka, 16/97, 14/00, 4/01, 28/04, 6/13 i 31/17), Skupština Kantona Sarajevo, na sjednici održanoj dana _____ godine donijela je

ZAKON O IZMJENAMA I DOPUNAMA ZAKONA O NABAVLJANJU, DRŽANJU I NOŠENJU ORUŽJA I MUNICIJE

Član 1.

(Izmjene člana 5.)

(1) U Zakonu o nabavljanju, držanju i nošenju oružja i municije (“Službene novine Kantona Sarajevo” broj 1/18 i 13/18-Ispravka) u članu 5. u stavu (1) tačka a) al. 16) i 27) mijenjaju se i glase:

“16) "kombinovano oružje" je oružje s dvije ili više olučenih (užljebljenih) i neolučenih (glatkih) cijevi različitog kalibra,”

“27) "civilno strelište" je otvoreni ili zatvoreni objekat (streljana) koji može biti i vojno strelište dopušteno za civilnu upotrebu, ili drugo službeno strelište namijenjeno sportsko-rekreativnom gađanju i edukaciji koji ispunjavaju tehničke i sigurnosne uvjete za upotrebu registrovanog ili prijavljenog oružja,”

(2) U tački b) alineja 11) mijenja se i glasi:

“11) "prenošenje oružja" je premeštanje oružja za koje je izdat oružni list ili izdato rješenje za držanje, s jednog mjesta na drugo,”

Član 2.

(Izmjena člana 7.)

U članu 7. stav (5) mijenja se i glasi:

“(5) Zabranjeno je bez opravdanog razloga nositi hladno oružje na javnim mjestima, vjerskim okupljanjima, ugostiteljskim objektima, obrazovnim ustanovama i na drugim javnim mjestima.”

Član 3.

(Izmjena člana 8.)

U članu 8. u stavu (1) tačka b) mijenja se i glasi:

“b) oružni list za držanje i nošenje oružja (u daljem tekstu: oružni list),”

Član 4.

(Izmjene i dopuna člana 10.)

(1) U članu 10. stav (2) mijenja se i glasi:

“(2) Zahtjev za izdavanje odobrenja za nabavljanje oružja kategorije B za fizička lica podnosi se na propisanom obrascu nadležnoj policijskoj upravi. Jedan zahtjev se može podnijeti za izdavanje odobrenja za nabavljanje više komada oružja iste vrste.

(2) U stavu (4) tačka e) mijenja se i glasi:

“e) da lice u posljedne dvije godine do dana podnošenja zahtjeva za izdavanje odobrenja za nabavljanje oružja ili od momenta vršenja provjera na osnovu stava 7. ovog člana nije kažnjavano za prekršaj protiv javnog reda i mira s obilježjem nasilja, prekršaj propisan ovim zakonom ili prekršaj s obilježjem nasilja propisan drugim zakonom,”

U stavu (4) tačka f) briše se.

Dosadašnja tačka g) postaje tačka f).

(3) Stav (8) mijenja se i glasi:

“(8) Načelnik nadležne policijske uprave će formirati komisiju koju čine tri člana iz policijske uprave, od kojih su dva člana policijski službenici, a jedan član stručni saradnik za sprovođenje propisa o oružju i predstavljanje u prekršajnom postupku ili referent za oružje kao stručni član komisije”.

(4) Iza stava (10) dodaje se novi stav (11) koji glasi:

“(11) Izuzetno, za lica iz člana 2. stav (3) ovog zakona, kada podnose zahtjev za nabavljanje, držanje i nošenje vatretnog oružja kategorije B, neće se provoditi postupak utvrđivanja uvjeta iz st. (4) i (5) ovog člana, osim utvrđivanja uvjeta položenog lovačkog ispita i članstva u lovačkoj organizaciji, odnosno članstva u sportskoj streljačkoj organizaciji.”

Član 5.

(Izmjene člana 11.)

U članu 11. st. (9) i (10) mijenjaju se i glase:

“(9) Postojanje uvjeta iz člana 10. stav (4) tačka b) ovog zakona utvrđuje se na osnovu uvida u ličnu kartu podnosioca zahtjeva i obavijesti nadležnog organa o prebivalištu - boravištu sa ličnim podacima (PBA - 3 obrazac). Nadležni organ ovlašten je provjeravati navedene podatke u službenoj evidenciji.

(10) Postojanje uvjeta iz člana 10. stav (4) tač. c), d) i e) ovog zakona, po službenoj dužnosti utvrđuje nadležna policijska uprava na osnovu izvršenih provjera kod nadležnog suda, nadležnog tužilaštva i organa nadležnog za vođenje kaznenih ili prekršajnih evidencija, a nakon toga, ukoliko iz objektivnih i opravdanih razloga to nije u mogućnosti izvršiti, nadležna policijska uprava će podnosioca zahtjeva uputiti da tražene podatke dostavi lično.”

Član 6.

(Izmjena člana 16.)

U članu 16. stav (2) mijenja se i glasi:

“(2) Izuzetno od stava (1) ovog člana, lica koja obavljaju ili su obavljali poslove policijskog službenika, službenika sudske policije, službenika straže kazneno-popravnih ustanova, službenika obavještajno-sigurnosne agencije Bosne i Hercegovine, osiguranja lica i imovine, profesionalna vojna lica, rezervne vojne starješine i lica koja imaju ili su imala registrovano vatreno oružje oslobođena su obuke za pravilno rukovanje oružjem i obuke o poznavanju propisa koji se odnose na držanje, čuvanje i nošenje oružja, kao i druga lica koja su kroz školovanje i druge vidove obuke osposobljena za pravilno rukovanje oružjem i poznaju propise koji se odnose na držanje, čuvanje i nošenje oružja, što se dokazuje odgovarajućom ispravom nadležnog organa.”

Član 7.
(Izmjena člana 17.)

Član 17. mijenja se i glasi:

“Član 17.

(Rok za dostavljanje dokaza o ispunjavanju posebnih uvjeta koji se odnose na nabavljanje oružja)

Od podnosioca zahtjeva koji ispunjava opće uvjete iz člana 10. stav (4) ovog zakona, nadležna policijska uprava će zatražiti da u roku od 60 dana dostavi dokaze o ispunjavanju posebnih uvjeta iz člana 10. stav (5) ovog zakona.”

Član 8.
(Dopuna člana 19.)

U članu 19. iza stava (4) dodaje se novi stav (5) koji glasi:

“(5) Nadležna policijska uprava postupa na način propisan u st. (1) i (2) ovog člana i u postupku oduzimanja oružja iz člana 51. ovog zakona”.

Član 9.
(Izmjena člana 24.)

U članu 24. stav (2) mijenja se i glasi:

“(2) Pravna lica, poduzetnici i fizička lica dužni su, u roku od osam dana od dana nabavljanja municije, o izvršenoj nabavci municije obavijestiti policijsku upravu koja je izdala važeću ispravu o oružju i koja o tome vodi evidenciju, izuzev ukoliko su municiju nabavili na području Kantona Sarajevo.”

Član 10.
(Izmjene člana 28.)

U članu 28. st. (4), (5) i (6) mijenjaju se i glase:

“(4) Fizička lica, pravna lica i poduzetnici kojima je izdat oružni list, odnosno odobrenje za držanje oružja, ne mogu prenijeti pravo svojine na vatreno oružje drugim fizičkim licima, pravnim licima i poduzetnicima koja nemaju odobrenje za nabavku te vrste oružja, izuzev pravnim lica iz člana 60. ovog zakona.”

(5) Vlasnik oružja koji je prenio pravo svojine na oružje dužan je odmah, a najkasnije u roku od osam dana, predati nadležnoj policijskoj upravi oružni list, odnosno odobrenje za držanje oružja i priložiti primjerak ugovora i odobrenja za nabavku oružja izdatog fizičkom licu, odnosno pravnom licu i poduzetniku na koje se prenosi pravo svojine, odnosno rješenje o obavljanju djelatnosti pravnog lica iz člana 60. ovog zakona.

(6) Fizička lica, pravna lica i poduzetnici kojima je izdat oružni list, odnosno odobrenje za držanje oružja mogu, uz ispunjavanje obaveza iz stava (5) ovog člana, prenijeti pravo svojine na vatreno oružje i pravnim licima i poduzetnicima iz člana 60. ovog zakona, nakon čega su obje strane u postupku dužne u roku od osam dana obavijestiti nadležnu policijsku upravu o izvršenom prenosu prava svojine.”

Član 11.
(Izmjena člana 29.)

Član 29. mijenja se i glasi:

“Član 29.
(Oružni list za držanje i nošenje oružja)

- (1) Za držanje i nošenje oružja fizičkim licima se izdaje oružni list.
- (2) Oružni list izdaje se na neograničeno vrijeme, ali je imalac oružnog lista dužan svakih 10 godina dostaviti nadležnoj policijskoj upravi dokaz o ispunjavanju uvjeta u pogledu zdravstvene sposobnosti za držanje i nošenje oružja.
- (3) Imalac oružja može, u roku od šest mjeseci od dana isteka roka iz stava (2) ovog člana, dostaviti nadležnoj policijskoj upravi dokaz o ispunjavanju uvjeta u pogledu zdravstvene sposobnosti za držanje i nošenje oružja.
- (4) Nadležna policijska uprava će najkasnije tri mjeseca prije isteka roka iz stava (2) ovog člana, pisanim putem, a izuzetno i usmeno, obavijestiti i upozoriti imaočca oružja o predstojećem nastupanju isteka roka iz stava (2) ovog člana i posljedicama propuštanja roka.
- (5) Ukoliko u roku iz stava (3) ovog člana ne dostavi dokaz o ispunjavanju uvjeta u pogledu zdravstvene sposobnosti za držanje i nošenje oružja, imalac oružja je dužan nakon isteka navedenog roka oružje, municiju i oružni list predati nadležnoj policijskoj upravi, koja je u svakom slučaju, istekom propisanog roka od šest mjeseci, obavezna donijeti rješenje o oduzimanju oružja, municije i oružnog lista te postupiti u skladu sa čl. 51. i 56. ovog zakona.
- (6) Protiv rješenja o oduzimanju iz stava (5) ovog člana može se izjaviti žalba policijskom komesaru u roku od 15 dana od dana prijema rješenja.
- (7) Na isto lovačko ili sportsko oružje mogu se izdati oružni listovi za najviše tri lica, uz ovjerenu saglasnost vlasnika oružja.
- (8) Lica iz člana 2. stav (3) ovog zakona oslobođena su obaveze iz stava (2) ovog člana, ali su dužna u roku iz stava (3) ovog člana dostaviti uvjerenje ili potvrdu poslodavca o radnopravnom statusu nadležnoj policijskoj upravi za upis u evidenciju oružja, a nadležna policijska uprava i za ova lica postupa u skladu sa odredbama st. (4) i (5) ovog člana.“

Član 12.
(Izmjene člana 37.)

U članu 37. st. (1), (5) i (6) mijenjaju se i glase:

- “(l) Oružje kategorije B se ne smije nositi bez oružnog lista niti prenositi bez odobrenja za držanje oružja.
- (5) Van lovišta ili strelišta, vatreno, lovačko i sportsko oružje mora se držati, odnosno nositi u futroli ili namjenskom koferu/torbi za oružje i ne smije biti napunjeno.
- (6) Prilikom prenošenja oružje ne smije biti napunjeno, odnosno metak ne smije biti u cijevi i mora se nalaziti u odgovarajućim futrolama, kutijama ili spremnicima za prijenos oružja.”

Član 13.
(Izmjena člana 44.)

U članu 44. stav (3) mijenja se i glasi:

(3) Fizička lica, pravna lica i poduzetnici dužni su u službenim novinama oglasiti nestanak isprava o oružju, osim odobrenja za nabavljanje oružja i municije, a nadležna policijska uprava koja je izdala isprave o oružju, donosi rješenje kojim se isprava o oružju oglašava nevažećom.

Član 14.

(Izmjena i dopune člana 46.)

(1) U članu 46. naziv člana mijenja se i glasi:

“(Promjena prebivališta, ličnog imena, naziva ili sjedišta i gubitak državljanstva)”

(2) Iza stava (2) dodaju se novi st. (3) i (4) koji glase:

„(3) Kada fizičkom licu pravosnažnom odlukom prestane državljanstvo, dužno je u roku od 30 dana od pravosnažnosti odluke predati oružje i isprave o oružju nadležnoj policijskoj upravi, koja u navedenom slučaju postupa na način opisan u članu 56. ovog zakona sa napomenom da se u navedenom slučaju donosi rješenje o oduzimanju i deponovanju oružja zbog prestanka državljanstva.“

(4) U slučaju promjene sjedišta pravnog lica nadležna policijska uprava iz koje se vrši odjava donosi zaključak u kojem se konstatiše promjena sjedišta pravnog lica i izvršava prenos nadležnosti u skladu s odredbama zakona kojim je regulisan upravni postupak.”

Član 15.

(Dopuna člana 49.)

U članu 49. dodaje se novi stav (8) koji glasi:

„(8) Nadležna policijska uprava prati i redovno ažurira evidenciju vlasnika oružja u skladu sa prijavljenim podacima u centralnom registru IDDEEA i lokalnoj evidenciji JMB, prebivališta/boravišta i izdatih ličnih karti koja je u nadležnosti Ministarstva unutrašnjih poslova Kantona Sarajevo, te u skladu sa pribavljenim podacima poduzima operativne radnje na terenu u cilju provođenja odredbi ovoga člana.“

Član 16.

(Izmjena člana 51.)

U članu 51. stav (1) mijenja se i glasi:

“(1) Nadležna policijska uprava će donijeti rješenje o oduzimanju oružja i municije i isprava o oružju od fizičkog lica ako nastupi neki od slučajeva koji bi bili u suprotnosti s uvjetima utvrđenim u članu 10. stav (4) tač. a), c), d), e) i f), stav (5) tačka a) i stav (10), članu 11. st. (3) i (6) i članu 29. st. (3) i (5) ovog zakona.”

Član 17.

(Izmjena člana 61.)

U članu 61. stav (2) mijenja se i glasi:

“(2) Ovlašteni prodavac oružja može prodavati municiju samo licima koja imaju važeću ispravu o oružju, a u roku od pet dana od dana prodaje dužan je o tome obavijestiti policijsku upravu koja je izdala važeću ispravu o oružju i dostaviti jedan primjerak fakture o kupoprodaji municije nadležnoj policijskoj upravi.”

Član 18.
(Izmjena člana 65.)

Član 65. mijenja se i glasi:

“Član 65.
(Uvjeti za osnivanje civilnog strelišta)

- (1) Za obavljanje sportske i druge djelatnosti civilna strelišta mogu osnovati: udruženja i savezi upisani u registar udruženja kod nadležnog organa uprave i pravna lica i poduzetnici koji imaju registrovanu djelatnost, a za to dobiju odobrenje nadležne policijske uprave.
- (2) Uz zahtjev za izdavanje odobrenja iz stava (1) ovog člana, prilaže se:
- a) upotrebljiva dozvola za novoizgrađena strelišta, a za postojeća strelišta upotrebljiva dozvola ili zemljишnoknjizični izvadak,
 - b) dokaz da lice ovlašteno za zastupanje u udruženju i savezu, odgovorno lice u pravnom licu, odnosno poduzetnik ispunjava uvjete iz člana 10. stav (4) ovog zakona, a lice koje neposredno rukuje oružjem ispunjava uvjete iz člana 10. st. (4) i (5) ovog zakona i
 - c) dokaz da udruženje, savez, pravno lice i poduzetnik ima pravo vlasništva ili pravo korištenja objekta (otvorenog i/ili zatvorenog).
- (3) Odredbe ovog zakona ne primjenjuju se na lovačka strelišta koja se upotrebljavaju za gađanje i isprobavanje lovačkog oružja svojih članova prema propisima o lovstvu.
- (4) Protiv rješenja nadležne policijske uprave može se izjaviti žalba policijskom komesaru u roku od 15 dana od dana prijema rješenja.
- (5) Bliže odredbe o prostornim i tehničkim uvjetima civilnog strelišta, na prijedlog policijskog komesara propisuje ministar uz suradnju sa nadležnim ministarstvima.”

Član 19.
(Izmjena člana 74.)

Član 74. mijenja se i glasi:

„Član 74.
(Krivična djela)

- (1) Novčanom kaznom ili kaznom zatvora od šest mjeseci do tri godine kaznit će se za krivično djelo:
- a) ko bez odobrenja nabavi, drži ili nosi vatreno oružje kategorije B (čl. 10. i 20. ovog zakona), izuzev pravnih lica kada nabavljaju oružje kategorije B na osnovu člana 28. stav (4) ovog zakona,
 - b) ko proda vatreno oružje kategorije B pravnom licu, poduzetniku ili fizičkom licu koji nemaju odobrenje za nabavljanje te vrste oružja (čl. 28. stav (4) i 61. stav (1), tačka a) ovog zakona), izuzev kada se vatreno oružje kategorije B prodaje pravnim licima na osnovu člana 28. stav (4) ovog zakona i
 - c) ko drugom da pištolj ili revolver na poslugu (član 40. stav (1) ovog zakona) ili ko da na poslugu lovačko oružje ili sportsko vatreno oružje licu koje za tu vrstu oružja nema oružni list (član 40. stav (2) ovog zakona) i
- (2) Za krivična djela iz stava (1) ovog člana obavezno se izriče i zaštitna mjera oduzimanja oružja.

(3) U izvršenju zaštitne mjere iz stava (2) ovog člana za krivično djelo iz stava (1) tač. b) i c) ovog člana oduzima se oružni list, odnosno odobrenje za držanje oružja.“

Član 20.
(Izmjena člana 75.)

Član 75. mijenja se i glasi:

„Član 75.
(Novčane kazne i zaštitne mjere za prekršaje fizičkih lica)

(1) Novčanom kaznom od 1.000,00 do 2.000,00 KM kaznit će se za prekršaj fizičko lice:

- a) koje bez opravdanog razloga nosi hladno oružje na javnim mjestima, vjerskim okupljanjima, ugostiteljskim objektima, obrazovnim ustanovama i na drugim javnim mjestima (član 7. stav (5) ovog zakona),
- b) koje ima saznanja o promjeni zdravstvenog stanja imaoča oružja, koja može uticati na sposobnost za držanje i nošenje oružja, a o tome ne obavijesti nadležnu policijsku upravu ili najbližu policijsku stanicu (član 14. stav (1) ovog zakona),
- c) koje u propisanom roku, nakon upućivanja na vanredni zdravstveni pregled, nadležnoj policijskoj upravi ne dostavi uvjerenje o zdravstvenoj sposobnosti (član 14. stav (3) ovog zakona),
- d) koje u propisanom roku ne prijavi nabavku bitnih dijelova oružja nadležnoj policijskoj upravi ili ne predala nadležnoj policijskoj upravi zamijenjene tehnički ispravne dijelove vatrene oružja koji se označavaju fabričkim brojem (član 23. stav (1) ovog zakona),
- e) član streljačke i lovačke organizacije koji spravlja municiju bez odobrenja nadležne policijske uprave ili istu stavlja u promet (član 25. st. (1) i (4) ovog zakona),
- f) koje zamijeni oružje za onu vrstu oružja za koju nema izdat oružni list ((član 28. st. (1) i (2) ovog zakona).
- g) koje bez odobrenja nadležne policijske uprave sakuplja staro oružje (član 33. stav (1) ovog zakona),
- h) koje predala ili proda staro oružje pravnom licu, poduzetniku i fizičkom licu koji nemaju odobrenje za sakupljanje starog oružja (član 33. stav (7) ovog zakona),
- i) koje osposobi staro oružje koje je onesposobljeno za upotrebu (član 33. stav (9) ovog zakona),
- j) koje postupi protivno odredbama člana 36. ovog zakona,
- k) koje postupi protivno odredbama člana 37. ovog zakona,
- l) koje postupi protivno odredbama člana 38. ovog zakona,
- m) koje postupi protivno odredbi člana 39. ovog zakona,
- n) koje posudi vazdušno oružje i oružje s tetivom maloljetnoj osobi (član 42. stav (2) ovog zakona),
- o) koje prenosi sportsko oružje i pripadajuću municiju bez potvrde sportske streljačke organizacije (član 42. stav (3) ovog zakona),
- p) koje postupi protivno odredbama člana 43. ovog zakona,
- r) koje postupi protivno odredbama člana 44. ovog zakona,
- s) koje ne obavijesti najbližu policijsku upravu, policijsku stanicu ili policijskog službenika u slučaju pronalaska oružja, municije i isprava o oružju ili o saznanju za sakriveno oružje, municiju i ispravu o oružju (član 45. stav (1) ovog zakona) i
- t) koje postupi protivno odredbi člana 48. stav (1) ovog zakona.

(2) Za prekršaje iz stava (1), tač. a), c), f), g), h), i), j), k), l), m), n), o), p), r), s) i t) ovog člana, pored novčane kazne, izriče se zaštitna mjera oduzimanja oružja, municije, bitnih dijelova oružja i isprava o oružju.”

Član 21.
(Izmjena člana 76.)

Član 76. mijenja se i glasi:

„Član 76.

(Novčane kazne i zaštitne mjere za prekršaje fizičkih lica)

(1) Novčanom kaznom od 500,00 do 1.000,00 KM kaznit će se za prekršaj fizičko lice:

- a) koje u propisanom roku ne vrati odobrenje za nabavljanje oružja (član 18. stav (3) ovog zakona),
- b) koje nosi, koristi i rukuje s oružjem koje mu je povjerenou u vrijeme kada ne vrši službu, ili iznese oružje van objekta odnosno prostora ili pravca kretanja transporta koji obezbjeđuje ili ne čuva na bezbjednom mjestu tako da ne onemogući pristup oružju neovlaštenim licima (član 21. stav (2) ovog zakona),
- c) koje nabavi municiju za oružje za koje nema izdat oružni list ili u propisanom roku ne prijavi nabavku municije, izuzev ukoliko je municija nabavljena na području Kantona Sarajevo (član 24. ovog zakona),
- d) koje u propisanom roku ne podnese pisani zahtjev nadležnoj policijskoj upravi za registraciju oružja i izdavanje oružnog lista (član 27. stav (1) ovog zakona),
- e) koje u propisanom roku nadležnoj policijskoj upravi ne prijavi zamjenu vatretnog oružja, ne predaje oružni list i ne podnese zahtjev za izdavanje novog oružnog lista (član 28. stav (3) ovog zakona),
- f) koje u propisanom roku ne prijavi prenos prava svojine na vatreno oružje (član 28. st. (5) i (6) ovog zakona),
- g) koje u propisanom roku o izvršenoj nabavci, prodaji ili predaji starog oružja ne obavijesti nadležnu policijsku upravu (član 33. stav (8) ovog zakona),
- h) koje u propisanom roku ne prijavi nadležnoj policijskoj upravi nabavljanje oružja kategorije C (član 34. stav (2) ovog zakona),
- i) prekršajno odgovorno maloljetno lice koje nabavi, drži i nosi oružje kategorije D protivno odredbama člana 35. ovog zakona, odnosno roditelj, usvojitelj ili staratelj maloljetnika koji nabavi, drži i nosi oružje kategorije D, protivno odredbama člana 35. ovog zakona, ako je počinjeni prekršaj maloljetnika posljedica propuštanja nadzora nad maloljetnikom, a bio je u mogućnosti vršiti takav nadzor,
- j) koje ne vrati pravnom licu koje upravlja lovištem oružje odnosno neutrošenu količinu municije dobijenu na poslugu u određenom roku ili ih upotrebljava, odnosno iznosi van određenog lovišta (član 41. stav (3) ovog zakona),
- k) koje postupi protivno odredbama člana 46. ovog zakona,
- l) koje u propisanom roku ne obavijesti i ne predaje na čuvanje nadležnoj policijskoj upravi oružje, municiju i oružni list u slučaju smrti vlasnika oružja i municije (član 49. stav (1) ovog zakona),
- m) nasljednik oružja i municije koji u propisanom roku ne postupi u skladu s ovim Zakonom (član 49. stav (3) ovog zakona),
- n) nasljednik oružja koji u propisanom roku nakon prodaje oružja isto ne odjavi kod nadležne policijske uprave (član 49. stav (6) ovog zakona) i
- o) fizičko lice koje ne vodi evidenciju iz člana 70. stav (8) ovog zakona.

(2) Za prekršaje iz stava (1), tač. a), b), c), e), f) i i) ovog člana, pored novčane kazne, izriče se zaštitna mjera oduzimanja oružja, municije, bitnih dijelova oružja i isprava o oružju.”

Član 22.
(Izmjena člana 77.)

Član 77. mijenja se i glasi:

„Član 77.

(Novčane kazne i zaštitne mjere za prekršaje pravnih lica i poduzetnika)

(1) Novčanom kaznom od 10.000,00 do 15.000,00 KM kaznit će se za prekršaj:

- a) zdravstvena ustanova koja ima saznanja o promjeni zdravstvenog stanja imaoca oružja, koja može uticati na sposobnost za držanje i nošenje oružja, a o tome ne obavijesti nadležnu policijsku upravu ili najbližu policijsku stanicu (član 14. stav (1) ovog zakona),
- b) sportska streljačka, odnosno druga organizacija ili ustanova koja postupi suprotno odredbama člana 16. ovog zakona,
- c) pravna lica i poduzetnici koja povjere nošenje oružja i municije licu koje nije određeno da neposredno vrši poslove zaštite i koje ne ispunjava uslove za nošenje oružja propisane ovim Zakonom (član 21. stav (1) ovog zakona) ili koje naredi ili dozvoli da lice kome je povjereno oružje radi vršenja poslova zaštite nosi to oružje suprotno odredbama člana 21. stav (2) ovog zakona,
- d) pravno lice i poduzetnik koji u propisanom roku ne prijavi nabavku bitnih dijelova oružja nadležnoj policijskoj upravi (član 23. stav (1) ovog zakona),
- e) pravno lice i poduzetnik koji nabavi municiju za oružje za koje nema izdat oružni list ili u propisanom roku ne prijavi nabavku municije (član 24. ovog zakona),
- f) sportska streljačka i lovačka organizacija koja spravlja municiju bez odobrenja nadležne policijske uprave ili istu stavlja u promet (član 25. st. (1) i (4) ovog zakona),
- g) pravno lice i poduzetnik koji zamijene oružje za onu vrstu oružja za koju nema izdat oružni list (član 28. stav (2) ovog zakona).
- h) pravno lice i poduzetnik koji ne obavijesti u propisanom roku nadležnu policijsku upravu o prestanku potrebe za dalnjim držanjem oružja i municije (član 31. stav (2) ovog zakona),
- i) pravno lice i poduzetnik koji bez odobrenja nadležne policijske uprave sakuplja staro oružje (član 33. stav (1) ovog zakona),
- j) pravno lice i poduzetnik koji proda ili preda staro oružje fizičkom ili pravnom licu ili poduzetniku koji nemaju odobrenje za sakupljanje starog oružja (član 33. stav (7) ovog zakona),
- k) pravno lice i poduzetnik koji u propisanom roku o izvršenoj nabavci, prodaji ili predaji starog oružja ne obavijesti nadležnu policijsku upravu (član 33. stav (8) ovog zakona),
- l) pravno lice i poduzetnik koji osposobi staro oružje koje je onesposobljeno za upotrebu (član 33. stav (9) ovog zakona),
- m) pravno lice i poduzetnik koji u propisanom roku ne prijavi nadležnoj policijskoj upravi nabavljanje oružja kategorije C (član 34. stav (2) ovog zakona),
- n) pravno lice i poduzetnik koji postupi protivno odredbama člana 38. st. (8), (9), (10) i (11) ovog zakona,
- o) pravno lice koje upravlja lovištem koje postupi protivno odredbama člana 41. ovog zakona,
- p) streljačka organizacija koja postupi protivno odredbama člana 42. ovog zakona,
- r) pravno lice i poduzetnik, streljačka organizacija i organizacija koja gazduje lovištem koji postupe protivno odredbama člana 43. stav (6) ovog zakona,

- s) pravno lice i poduzetnik koji postupe protivno odredbama člana 44. ovog zakona,
 - t) pravno lice i poduzetnik koji se bave popravljanjem i prepravljanjem oružja, koji postupe protivno odredbama člana 57. ovog zakona,
 - u) pravno lice i poduzetnik koji se bave popravljanjem i prepravljanjem oružja, koji postupe protivno odredbama člana 58. ovog zakona,
 - v) pravno lice i poduzetnik koji se bavi prometom oružja, bitnih dijelova oružja i municije, koji postupe protivno odredbama člana 60. stav (1) ovog zakona,
 - z) ovlašteni prodavac oružja koji u propisanom roku ne obavijesti nadležnu policijsku upravu o prodaji municije i ne dostavi jedan primjerak fakture o kupoprodaji municije nadležnoj policijskoj upravi (član 61. stav (2) ovog zakona), oružja kategorije C i bitnih dijelova oružja (član 61. stav (1) tačka b) ovog zakona),
 - aa) ovlašteni prodavac oružja koji postupi protivno odredbi člana 62. ovog zakona,
 - bb) pravno lice i poduzetnik koji se bavi posredovanjem u prometu oružja i municije bez odobrenja nadležne policijske uprave (član 64. stav (1) ovog zakona),
 - cc) pravno lice i poduzetnik koji postupi protivno odredbama člana 65. ovog zakona,
 - dd) pravno lice i poduzetnik, osnivač civilnog strelišta, koji postupi protivno odredbama člana 67. ovog zakona i
 - ee) pravno lice i poduzetnik, osnivač civilnog strelišta, koji u propisanom roku ne uskladi svoj rad u skladu sa odredbama zakona i podzakonskog akta iz člana 63. stav (3) ovog zakona (član 69. ovog zakona).
- (2) Za prekršaje iz stava (1) ovog člana kaznit će se novčanom kaznom od 2.000,00 do 3.000,00 KM i odgovorno lice u pravnom licu i poduzetnik.
- (3) Za prekršaj iz stava (1) tač. b), c), f), g), i), j), l), n), o), p), r), u), v), aa), bb), cc) i dd) ovog člana izreći će se i zaštitna mjera oduzimanja oružja, municije, bitnih dijelova oružja i isprava o oružju, a za prekršaje iz stava (1) tač. b), c), l), n), o), p), t), u), v), aa), bb) i cc) izreći će se i zaštitna mjera zabrane vršenja djelatnosti u trajanju od šest mjeseci.”

Član 23.
(Izmjena člana 78.)

Član 78. mijenja se i glasi:

„Član 78.

(Novčane kazne i zaštitne mjere za prekršaje pravnih lica i poduzetnika)

(1) Novčanom kaznom od 5.000,00 do 10.000,00 KM kaznit će se za prekršaj:

- a) lovačko udruženje (član 11. stav (4)) i sportska streljačka organizacija (član 11. stav (7) ovog zakona) koji u propisanom roku ne dostavi dokaz o prestanku članstva,
- b) pravno lice i poduzetnik koji ne izda posebnu potvrdu licu kojem povjeravaju oružje i koji ne obavijesti nadležnu policijsku upravu o licu kojem je povjerila oružje (član 21. stav (3) ovog zakona),
- c) pravno lice i poduzetnik koji u propisanom roku ne vrati odobrenje za nabavljanje oružja (član 22. stav (3) ovog zakona),
- d) pravno lice i poduzetnik koji u propisanom roku ne podnese pisani zahtjev nadležnoj policijskoj upravi za registraciju oružja i izdavanje odobrenja za držanje oružja i ne vodi evidenciju o nabavljenom oružju (član 27. stav (2) ovog zakona),
- e) pravno lice i poduzetnik koji propisanom roku ne prijavi zamjenu vatrenog oružja, odnosno ne

- preda odobrenje za držanje oružja i ne podnese zahtjev za izdavanje novog odobrenja za držanje oružja, (član 28. stav (3) ovog zakona),
- f) pravno lice ili poduzetnik koji u propisanom roku ne prijavi prenos prava svojine na vatreno oružje (član 28. st. (5) i (6) ovog zakona),
 - g) pravno lice i poduzetnik koji postupi protivno odredbama člana 46. ovog zakona,
 - h) imalac oružja koji postupi protivno odredbi člana 48. stav (1) ovog zakona,
 - i) pravno lice i poduzetnik koji u propisanom roku ne obavijesti nadležnu policijsku upravu o upisu u sudski registar, odnosno registar poduzetnika (član 60. stav (3) ovog zakona),
 - j) ovlašteni prodavac oružja koji proda municiju licu koje nema važeću ispravu o oružju (član 61. stav (2) ovog zakona),
 - k) ovlašteni prodavac oružja koji postupi protivno odredbi člana 61. stav (3) ovog zakona,
 - l) pravno lice i poduzetnik koji u propisanom roku ne obavijesti nadležnu policijsku upravu o upisu u sudski registar, odnosno registar poduzetnika (član 64. stav (3) ovog zakona),
 - m) pravno lice, poduzetnik, sportska streljačka organizacija, lovačka organizacija, ovlašteni prodavac oružja i stručna ovlaštena organizacija koji ne vode propisane evidencije iz člana 70. ovog zakona.
- (2) Za prekršaje iz stava (1) ovog člana kaznit će se novčanom kaznom od 1.000,00 do 3.000,00 KM i odgovorno lice u pravnom licu i poduzetnik.

(3) Za prekršaj iz stava (1) tač. d), h) i j) ovog člana izreći će se i zaštitna mjera oduzimanja oružja, municije, bitnih dijelova oružja i isprava o oružju, a za prekršaje iz stava (1) tačka j) izreći će se i zaštitna mjera zabrane vršenja djelatnosti u trajanju od šest mjeseci.”

Član 24.
(Dodaje se član 79a.)

Iza člana 79. dodaje se član 79a. koji glasi:

“Član 79a.
(Započeti postupci)

Postupci koji nisu pravomoćno okončani do momenta stupanja na snagu ovog zakona, a odnose se na odredbe iz člana 29. ovog zakona riješit će se u skladu sa odredbama ovog zakona.”

Član 25.
(Dodaje se član 80a.)

Iza člana 80. dodaje se član 80a. koji glasi:

“Član 80a.
(Provedbeni propis)

U roku od šest mjeseci od dana stupanja na snagu ovog zakona na prijedlog policijskog komesara, ministar će uskladiti propise iz člana 80. stav (1) od tačke a) do tačke i), kao i donijeti propis iz člana 65. stav (5) ovog zakona.”

Član 26.
(Izmjena člana 83.)

U članu 83. u stavu (1) iza riječi: “ovog zakona” dodaju se riječi: “odgovarajućih provedbenih podzakonskih propisa iz člana 80. ovog zakona”.

Član 27.
(Izmjena člana 84.)

U članu 84. u stavu (1) riječi: "31.12.2018." zamjenjuju se riječima: "01.07.2020."

Član 28.
(Stupanje na snagu)

Ovaj zakon stupa na snagu osmog dana od dana objavljivanja u "Službenim novinama Kantona Sarajevo".

Broj _____ /19
_____ 2019. godine

Predsjedavajući
Skupštine Kantona Sarajevo
Elmedin Konaković

O B R A Z L O Ž E N J E

I - Pravni osnov

Pravni osnov za donošenje Zakona o izmjenama i dopunama Zakona o nabavljanju, držanju i nošenju oružja i municije sadržan je u odredbama člana 18. stav 1. tačka b) Ustava Kantona Sarajevo („Službene novine Kantona Sarajevo“, br. 1/96, 2/96-Ispravka, 3/96-Ispravka, 16/97, 14/00, 4/01, 28/04 i 6/13) kojim je utvrđena zakonodavna funkcija Skupštine Kantona Sarajevo.

II - Razlozi donošenja

Zakon o nabavljanju, držanju i nošenju oružja i municije donijela je Skupština Kantona Sarajevo na sjednici održanoj 20.12.2017. godine i isti je objavljen u „Službenim novinama Kantona Sarajevo“, broj 1/18, a stupio je na snagu osam dana od dana objavljivanja tj. 12.01.2018. godine. Nakon stupanja na snagu ovog zakona doneseni su podzakonski akti i isti je implementiran na području Kantona Sarajevo, prilikom implementacije uočeni su određeni nedostaci u primjeni. Kao osnovni razlog za donošenje Zakona o izmjenama i dopunama Zakona o nabavljanju, držanju i nošenju oružja i municije (u dalnjem tekstu: Zakon) jeste otklanjanje određenih nejasnoća kao i popunjavanje pravnih praznina koje su se uočile u dosadašnjem toku primjene Zakona. Predložene izmjene i dopune Zakona se prvenstveno odnose na pitanja bez kojih ne bi bilo moguće provoditi odredbe zakona kao što su oblast praktične obuke i civilnih strelišta, dopunu segmenta koji reguliše zdravstvenu sposobnost kao jedan od uslova i slično. Svojim Zaključkom je i Komisija za sigurnost kao stalno radno tijelo Skupštine Kantona Sarajevo zatražila od ministra unutrašnjih poslova Kantona Sarajevo da formira Radnu grupu koja će pripremiti Izmjene i dopune Zakona, čime bi iinicirali postupanje u ovom pravcu. U cilju transparentnosti i javnosti rada kao i zastupljenosti nevladinog sektora radnu grupu su sačinjavali pored predstavnika Ministarstva unutrašnjih poslova i Uprave policije, predstavnici Komisije za sigurnost Skupštine Kantona Sarajevo i predstavnici Saveza za praktično streljaštvo. Pored članova radne grupe sa aspekta struke za pojedine predložene odredbe su konsultovani i predstavnici Ministarstva prostornog uređenja, građenja i okoliša Kantona Sarajevo kao i Ministarstva pravde i uprave Kantona Sarajevo. Na osnovu svega navedenog smatramo da postoji neodložna potreba za uređenje ove oblasti, te predlažemo da Prijedlog Zakona o izmjena i dopuna zakona o nabavljanju, držanju i nošenju oružja i municije doneše u hitnom postupku u skladu sa članom 159. Poslovnika Skupštine Kantona Sarajevo („Službene novine Kantona Sarajevo“, broj 41/12-Drugi novi prečišćeni tekst, 15/13, 47/13, 47/15 i 48/16).

Pravna rješenja

Član 1. – Propisuje izmjenu člana 5. u pogledu definicija i to konkretno za kombinovano oružje, za civilno strelište i prenošenje oružja.

Član 2. – Propisuje izmjenu člana 7. u pogledu zabrane nošenja hladnog oružja na javnim mjestima radi dodatnog preciziranja.

Član 3. – Određuje da se izmjeni u članu 8. stav (1) tačka b) i to tako da se u navedenom članu kojim su regulisane isprave o oružju mijenja naziv: „Oružni list“ u naziv „Oružni list za držanje i nošenje oružja“, a radi preciziranja naziva isprave u odnosu na svrhu zbog koje se ista i izdaje.

Član 4. – Propisuje izmjene i dopunu člana 10. u pogledu razjašnjenja činjenice da li se jednim zahtjevom za izdavanje odobrenja za nabavljanje oružja može obuhvatiti samo jedan komad oružja ili više komada oružja iste vrste, te je predloženim rješenjem precizirano da se jedan zahtjev može podnijeti za izdavanje odobrenja za nabavljanje više komada iste vrste oružja. Ova odredba bila bi propraćena adekvatnim prijedlogom izmjena i dopuna Zakona o administrativnim taksama Kantona Sarajevo. Također, mijenja se tačka e) stava (4) koja daje mogućnost uposlenicima koji obavljaju poslove i zadatke na implementaciji zakona (policijski, državni službenici i namještenici) da operativnije obavljaju poslove i zadatke na provjeri ispunjenosti uvjeta.

Zatim u okviru ovog stava brisanjem tačke f) ukida se opći uvjet koji se odnosio na vođenje prekršajnog postupka, tako da vođenje prekršajnog postupka neće biti smetnja za nabavljanje, držanje i nošenje oružja iz razloga što nije osnovano prejudicirati ishod prekršajnog postupka.

Mijenja se i stav (8) navedenog člana u pogledu sastava komisija nadležnih policijskih uprava i usklađivanju sa postojećim Pravilnikom o unutrašnjoj organizaciji.

Na kraju člana 10. dodat je novi stav (11) kojim su od postupka utvrđivanja općih i posebnih uvjeta izuzete određene kategorije osoba (npr. policijski službenici i dr.) naime, radi se o kategorijama osoba za koje se u okviru posebnih propisa i svoje službe već vrši provjera za ispunjavanje uslova kao i posebni uvjeti u pogledu obučenosti u poznавanju propisa i rukovanju vatrenim oružjem i zdravstvene sposobnosti.

Član 5. – U članu 11. izmijenjeni su stav (9) i (10) a isti se odnose na efikasnosti i operativnosti nadležne policijske uprave na implementaciji odredbi zakona.

Član 6. – U članu 16. mijenja se stav (2) kojim se dodatno preciziraju kategorije osoba koje su izuzete u pogledu obučenosti u poznavanju propisa i rukovanju vatrenim oružjem.

Član 7. – Izmjenom člana 17. vrši se ispravka tehničke greške.

Član 8. – U članu 19. dodaje se novi stav (5) kojim se daje uputa nadležnoj policijskoj upravi prilikom donošenja rješenja (posebno obrazloženja) u postupku oduzimanja oružja iz člana 51. Zakona, a na način kako je to propisano članom 19.

Član 9. – Propisuje izmjenu člana 24. stav (2) koja propisuje izuzeće obaveze fizičkih lica da obavještavaju nadležnu policijsku upravu o nabavci municije iz razloga što je ta obaveza ostala u nadležnosti pravnim licima koja su ovlaštena da se bave prometom municije, a sve u cilju da se informacije ne dupliraju. Sa druge strane ovdje se radi o kantonalm propisu zbog čega se ne može stvarati obaveza organima izvan kantona da dostavljaju obavještenja o nabavci municije.

Član 10. – Izmjeni u članu 28. stav (4) i (5) izuzimaju se pravne osobe i poduzetnici

iz člana 60. ovog zakona (pravna lica koja se bave prometom oružja, bitnim dijelovima oružja i municije na malo) da ne moraju imati odobrenje za nabavljanje oružja kada kupuju polovno oružje ili kada vrše zamjenu oružja, a sve radi olakšanja pravnog prometa i interesa građana imaoca oružja, te da su u tom slučaju dužni prilikom prenosa prava svojine na navedeno oružje nadležnoj policijskoj upravi dostaviti rješenje o obavljanju djelatnosti, a izmjena stava (6) odnosi se na dodatno preciziranje i obavještavanje nadležne policijske uprave i to u roku od 8 dana od izvršenog prenosa prava svojine.

Član 11. – Propisuje prije svega izmjenu naziva člana 29. što je u skladu sa izmjenom u članu 8. stav (1) tačka b) Zakona, tako da naziv člana glasi Oružni list za držanje i nošenje oružja. Dalje, umjesto postojećeg člana 29. predlaže se novi član kojim su regulisana pitanja koja se odnose na postupak dostavljanja dokaza o ispunjavanju uvjeta u pogledu zdravstvene sposobnosti za držanje i nošenje oružja. Ovim članom propisana je obaveza nadležne policijske uprave da na osnovu praćenja službenih evidencija o oružju obavještava pisanim, a izuzetno i usmenim putem, imaoce oružja o predstojećem isteku roka i ujedno ih upozorava na moguće posljedice propuštanja roka od 6 mjeseci. U stavu (4) navedenog člana izmijenjen je postojeći rok od 60 dana na rok od 6 mjeseci za ispunjenje naprijed navedene obaveze imaoca oružja. Na kraju dodan je novi stav (7) kojim su određene kategorije imaoca oružja (npr. policijski službenici) izuzeti od obaveze dostavljanja ljekarskog uvjerenja već je dovoljno uvjerenje ili potvrda poslodavca o radno-pravnom statusu.

Izmjene člana 29 su u međusobnoj korelaciji sa odredbom člana 79a. iz prelaznih i završnih odredbi kako se ne bi doveli građani u neravnopravan položaj kod ostvarivanja prava i ispunjenja obaveza iz ovog zakona.

Član 12. – Propisane su izmjene st. (1), (5) i (6) u članu 37. koji se odnosi na način nošenja i prenošenja oružja, kao i preciziranje vrsta oružja.

Član 13. – Izmjenama stava (3) člana 44. daju se jasne upute koja će nadležna policijska uprava biti nadležna u postupku poništenja isprava o oružju, te je ovom odredbom određena nadležnost policijske uprave koja je izdala ispravu o oružju.

Član 14. – U članu 46. izmijenjen je naslov člana te su dodati novi stavovi (3) i (4) koji se odnose na postupanje nadležne policijske uprave u slučajevima promjene u pogledu državljanstva kao i u pogledu nadležnosti policijske uprave u slučaju promjene sjedišta pravnog lica.

Član 15. – U članu 49. dodat je novi stav (8) koji daje alate državnim službenicima i namještenicima nadležne policijske uprave u implementaciji odredbi ovog zakona.

Član 16. – U članu 51. izvršena je tehnička izmjena koja je proizašla iz naprijed navedenih izmjena.

Član 17. – Predloženom izmjenom u članu 61. propisuje se obaveza ovlaštenog prodavca oružja da nakon prodaje municije pored obavještenja o izvršenoj prodaji nadležnoj policijskoj upravi dostavi i jedan primjerak fakture o kupoprodaji municije.

Član 18. – Član 65. se mijenja na način da se omogući lakši postupak dobivanja odobrenja za osnivanje civilnog strelišta, a što je od izuzetnog značaja i za proces provođenja praktične obuke u rukovanju oružjem kao jednog od posebnih uvjeta za dobijanje odobrenja za nabavljanje oružja.

Posljednjim stavom propisuje se da će ministar na prijedlog policijskog komesara u suradnji sa nadležnim ministarstvima donijeti propis kojim će se urediti pitanje prostornih i tehničkih uvjeta za osnivanje civilnih strelišta.

Član 19. – Izmjena člana 74. koji se odnosi na krivična djela je posljedica izmjene člana 28. Stav (4) zakona jer su pravne osobe iz člana 60. izuzete od obaveze da prilikom prenošenja prava svojine od fizičkih lica, pravnih lica i poduzetnika, imaju odobrenje za nabavku te vrste oružja.

Član 20. – Izmjena člana 75. koji se odnosi na novčane kazne i zaštitne mjere za teže prekršaje koje je počinilo fizičko lice, a radi se o određenim ispravkama, popunjavanju pravnih praznina i rezultat su izmjena i dopuna prethodno navedenih u ovom obrazloženju. U određenim slučajevima ukinute su zaštitne mjere oduzimanja oružja, municije, bitnih dijelova oružja i isprava o oružju kako bi se olakšale obaveze koje imaju fizička lica u primjeni ovog zakona. Predlagač smatra da je u takvim slučajevima dovoljna sankcija novčana kazna bez obligatornog izricanja zaštitnih mjer a iste se uglavnom odnose na nedisciplinu u pogledu poštivanja rokova. Raspon novčane kazne ostaje isti.

Član 21. – Izmjena člana 76. koji se odnosi na novčane kazne i zaštitne mjere za lakše prekršaje koje je počinilo fizičko lice, a radi se o određenim ispravkama, popunjavanju pravnih praznina i rezultat su izmjena i dopuna prethodno navedenih u ovom obrazloženju. U određenim slučajevima ukinute su zaštitne mjere oduzimanja oružja, municije, bitnih dijelova oružja i isprava o oružju kako bi se olakšale obaveze koje imaju fizička lica u primjeni ovog zakona. Predlagač smatra da je u takvim slučajevima dovoljna sankcija novčane kazne bez obligatornog izricanja zaštitnih mjer a iste se uglavnom odnose na nedisciplinu u pogledu poštivanja rokova. Raspon novčane kazne ostaje isti.

Član 22. – Izmjena člana 77. koji se odnosi na novčane kazne i zaštitne mjere za teže prekršaje koje je počinilo pravno lice i poduzetnici, a radi se o određenim ispravkama, popunjavanju pravnih praznina i rezultat su izmjena i dopuna prethodno navedenih u ovom obrazloženju. U određenim slučajevima ukinute su zaštitne mjere oduzimanja oružja, municije, bitnih dijelova oružja i isprava o oružju kako bi se olakšale obaveze koje imaju pravna lica i poduzetnici u primjeni ovog zakona. Predlagač smatra da je u takvim slučajevima dovoljna sankcija novčana kazna bez obligatornog izricanja zaštitnih mjer a iste se uglavnom odnose na nedisciplinu u pogledu poštivanja rokova. Raspon novčane kazne ostaje isti.

Član 23. – Izmjena člana 78. koji se odnosi na novčane kazne i zaštitne mjere za lakše prekršaje koje počine pravna lica i poduzetnici, a radi se o određenim ispravkama, popunjavanju pravnih praznina i rezultat su izmjena i dopuna prethodno navedenih u ovom obrazloženju. Raspon novčane kazne ostaje isti.

Član 24. - Dodaje se novi član 79a, koji se dovodi u vezu sa izmjenama odredbi u članu 29. kojim bi se građani doveli u ravnopravan položaj kod ostvarivanja prava i ispunjenju obaveza iz ovog zakona.

Član 25. – Dodaje se novi član 80a. koji se odnosi na obavezu ministra da na prijedlog policijskog komesara u roku od šest mjeseci od dana stupanja na snagu ovog zakona uskladi postojeće provedbene propise (ima ih 10) kao i da donese novi propis

iz člana 65. stav (5) ovog zakona.

Član 26. – Izmjena u članu 83. odnosi se na izmjenu početka računanja rokova i isti se mijenja na način da rokovi počinju teći od dana stupanja na snagu pravilnika a ne zakona iz razloga što pravilnik detaljnije propisuje obaveze u postupanju.

Član 27. – Izmjena u članu 84. predstavlja produženje roka za legalizaciju oružja kako bi se dala mogućnost da se kroz adekvatnu promociju i kampanju postigne cilj koji se odnosi na smanjenje ilegalnog oružja.

Član 28. – Propisuje datum stupanja na snagu ovog zakona.

Potrebna finansijska sredstva

Sastavni dio ovog dijela obrazloženja je Obrazac Izjave o fiskalnoj procjeni - Obrazac IFP-NE koji je sačinjen u skladu sa Pravilnikom o proceduri za izradu Izjave o fiskalnoj procjeni zakona, drugih propisa i akata planiranja na budžet ("Službene novine Federacije BiH", broj: 34/16, 15/18).



Bosnia and Herzegovina
Federation of Bosnia and Herzegovina
CANTON SARAJEVO
Ministry of Justice and Administration

Broj: 03-06-02-23036/19
Sarajevo, 06.06.2019. godine

MINISTARSTVO UNUTRAŠNJIH POSLOVA
gosp. Admir Katica, ministar

PREDMET: Prijedlog Zakona o izmjenama i dopunama Zakona o nabavljanju, držanju i nošenju oružja i municije, mišljenje –
VEZA: Vaš akt, broj: 01-02-3307/19 od 06.06.2019. godine

Postupajući po vašem aktu, broj i datum gornji, a u skladu sa odredbama člana 7. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12-Prečišćeni tekst i br. 41/12 i 8/15) i člana 4. stav 2. Uredbe o postupku i načinu pripremanja, izrade i dostavljanja propisa („Službene novine Kantona Sarajevo“, broj 50/17-Drugi novi prečišćeni tekst i 2/18-Ispravka), Ministarstvo pravde i uprave razmotrilo je prijedlog ovog zakona i daje slijedeće

M I Š L J E N J E

Prijedlog Zakona o izmjenama i dopunama Zakona o nabavljanju, držanju i nošenju oružja i municije je propis kojim se ne povređuju prava zaštićena odredbama Evropske konvencije o zaštiti ljudskih prava i osnovnih sloboda kao ni sa drugim pravnim aktima kojima je utvrđena zaštita ljudskih prava.

S poštovanjem,

Dostaviti:
1. Naslovu;
2. a/a.



web: <http://mpu.ks.gov.ba>

e-mail: mpu@mpu.ks.gov.ba;

Tel: + 387 (0) 33 562-083,

Fax: + 387 (0) 33 562-241

Sarajevo, Reisa Džemaludina Čauševića 1





Broj: 09-02-23035/19
Sarajevo, 06.06.2019. godine

KANTON SARAJEVO
MINISTARSTVO UNUTRAŠNJIH POSLOVA

PREDMET: Stručno mišljenje na prijedlog Zakona o izmjenama i dopunama Zakona o nabavljanju, držanju i nošenju oružja i municije.-

Na osnovu člana 2. Uredbe o Uredu za zakonodavstvo Vlade Kantona Sarajevo ("Službene novine Kantona Sarajevo", broj: 7/06-Precišćeni tekst) i člana 4. Uredbe o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi precišćeni tekst i 2/18- Ispravka), Ured za zakonodavstvo Vlade Kantona Sarajevo, daje slijedeće

M I Š L J E N J E

1. Ured za zakonodavstvo Vlade Kantona Sarajevo nema primjedbi na dostavljeni tekst prijedloga Zakona o izmjencama i dopunama Zakona o nabavljanju, držanju i nošenju oružja i municije po pitanju njegove usklađenosti sa odredbama ustava, te pozitivno-pravnih propisa koji regulišu ovu oblast.

2. Dostavljeni materijal je pripremljen u skladu sa Uredbom o postupku i načinu pripremanja, izrade i dostavljanja propisa ("Službene novine Kantona Sarajevo", broj: 50/17- Drugi novi precišćeni tekst i 2/18- Ispravka), te se isti može razmatrati na jednoj od narednih sjednica Vlade Kantona Sarajevo.

Dostaviti:
1. Naslovu
2. Evidencija
3. Arhiva





Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj: 08-01-02-23034/19 A.Z.
Sarajevo, 06.06.2019. godine

**MINISTARSTVO UNUTRAŠNJIH POSLOVA
KANTONA SARAJEVO**

Predmet: Mišljenje na Prijedlog zakona o izmjenama i dopunama Zakona o nabavljanju, držanju i nošenju oružja i municije

Veza: Vaš dopis, broj: 01-02-3307/19 od 06.06.2019. godine

Vezano za Vaš zahtjev za mišljenje na Prijedlog zakona o izmjenama i dopunama Zakona o nabavljanju, držanju i nošenju oružja i municije, u skladu sa članom 8 Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo unutrašnjih poslova je postupilo u skladu sa navedenim Pravilnikom i Ministarstvu finansija uz Prijedlog zakona o izmjenama i dopunama Zakona o nabavljanju, držanju i nošenju oružja i municije dostavilo na mišljenje popunjeno i potpisano obrazac IFP-NE u kojem je data sljedeća izjava: „Provodenje ovog Zakona ne zahtjeva dodatna finansijska sredstva i nemaju fiskalne posljedice na Budžet Kantona Sarajevo.“.

Obzirom da za provođenje Prijedloga zakona nisu potrebna dodatna sredstva iz Budžeta Kantona Sarajevo, na navedeni Prijedlog zakona o izmjenama i dopunama Zakona o nabavljanju, držanju i nošenju oružja i municije, Ministarstvo finansija, sa aspekta fiskalnog učinka na Budžet, nema primjedbi.

Dostaviti:

- Naslovu
2. MF – Sektor za budžet i fiskalni sistem
3. a/a

Pripremili: Alma Zildžić, mr. oec.



Adin Šendro, mr. oec.

Kontrolisala: Amina Moćević, mr.



OBRAZAC IZJAVA O FISKALNOJ PROCJENI

Obrazac IFP NE

A - Obražaj na propis						
Razdjel	KOD	NAZIV				
	1702	MINISTARSTVO UNUTRAŠNJIH POSLOVA KANTON SARAJEVO				
B - Osnovni podaci o prijedlogu propisa						
Vrsta propisa/akta	Zakon	DA	Odluka	NE	Strategija	NE
	Uredba	NE	Drugi akti	NE	Drugi akti planiranja	NE
Naziv propisa/akta	ZAKON O IZMJENAMA I DOPUNAMA ZAKONA O NABAVLJANJU, DRŽANJU I NOŠENJU ORUŽJA I MUNICIJE - PRIJEDLOG					
C - Razlog nepostojanju dodatnih finansijskih posljedica predloženog propisa						
<p>Provodenje ovog Zakona ne zahtijeva dodatna finansijska sredstva i nema fiskalne posljedice na Budžet Kantona Sarajevo.</p>						
D - Pečat i potpis odgovornog lica					Mjesto i datum	
						

propise ili druge akte niti preduzimati radnje kojima bi se na bilo koji način ograničavala prava ili narušavali interesi Bosne i Hercegovine ili Federacije na ovom području.

II - ZAŠTITA LJUDSKIH PRAVA I SLOBODA

Član 7.

Utvrđivanje ljudskih prava i sloboda

Na području Kantona obezbjeduje se puna zaštita ljudskih prava i sloboda utvrđenih Ustavom Bosne i Hercegovine i Ustavom Federacije, kao i u instrumentima datim u Aneksu Ustava Federacije.

Skupština ili bilo koji drugi organ Kantona ne mogu reducirati ljudska prava i slobode utvrđene aktima iz prethodnog stava. Oni su dužni u donošenju propisa i u njihovoj primjeni posebno voditi računa o efektima koje ti propisi imaju ili mogu imati u oblasti ljudskih prava i sloboda.

Član 8.

Zaštita ljudskih prava i sloboda

Skupština će obezbijediti donošenje takvih propisa kojima će se u prvom redu zaštititi utvrđena ljudska prava i slobode, te uvesti efikasni instrumenti te zaštite.

Organi vlasti u Kantunu prilikom izvršavanja propisa su obavezni onemogućiti svako narušavanje ljudskih prava i sloboda, te poduzimati sve potrebne mјere iz svoje nadle nosti radi njihove potpune zaštite. Ovo se posebno odnosi na policijske snage koje će efikasnim, preventivnim i operativnim radom obezbijediti punu ličnu i imovinsku zaštitu svakog građanina.

Član 9.

Komisija za ljudska prava

Radi zaštite ljudskih prava i sloboda i kontrole rada svih organa vlasti Kantona u ovoj oblasti, Skupština obrazuje posebnu Komisiju za ljudska prava.

Broj članova, način njihovog imenovanja te nadle nosti Komisije iz prethodnog stava utvrđuju se posebnim propisom Kantona.

Član 10.

Suradnja sa ombudsmenom i međunarodnim organizacijama

Skupština i drugi organi vlasti su obavezni pružiti ombudsmenu Bosne i Hercegovine, ombudsmenu Federacije i svim međunarodnim posmatračkim tijelima za ljudska prava potrebanu pomoć u vršenju njihovih funkcija na području Kantona.

U okviru pomoći iz prethodnog stava organi Kantona će naročiti:

- staviti na uvid sve službenе dokumente uključujući i one tajnog karaktera, te sudske i upravne spise;
- osigurati suradnju svake osobe i svakog službenika u davanju potrebnih informacija i podataka;
- osigurati pristup i kontrolu na svim mjestima gdje su osobe lišene slobode, zatvorene ili gdje rade;

d) omogućiti prisustvo sudskim i upravnim postupcima kao i sastancima organa.

Načini i izvještaji tijela iz stava 1. ovog člana će se razmatrati u nadle nim organima po hitnom postupku, te će na osnovu toga biti preduzimane odgovarajuće mјere gdje to bude potrebno.

III - NADLEŽNOSTI KANTONA

Član 11.

Odredivanje nadle nosti

Kanton ima nadle nosti utvrđene Ustavom Federacije i ovim Ustavom.

U slučaju potrebe za tumačenjem, nadle nosti Kantona utvrđene ovim Ustavom će biti tumačene u korist Kantona po principu predpostavljene nadle nosti, a pojedinačno spomenuta ovlaštenja u ovom Ustavu se neće tumačiti kao bilo kakva ograničenja općih nadle nosti Kantona.

Član 12.

Isključive nadle nosti

U okviru svojih nadle nosti Kanton je nadle an za:

- uspostavljanje i nadziranje policijskih snaga;
- utvrđivanje obrazovne politike, uključujući donošenje propisa o obrazovanju i osiguranje obrazovanja;
- utvrđivanje i provodenje kulturne politike;
- utvrđivanje stambene politike, uključujući i donošenje propisa koji se tiču uređivanja i izgradnje stambenih objekata;
- utvrđivanje politike koja se tiče reguliranja i osiguranja javnih službi;
- donošenje propisa o korištenju lokalnog zemljišta, uključujući i zaniranje;
- donošenje propisa o unaprijedivanju lokalnog poslovanja i dobrotvornih aktivnosti;
- donošenje propisa o lokalnim postrojenjima za proizvodnju energije i osiguranje njihove dostupnosti;
- utvrđivanje politike u vezi sa osiguranjem radija i televizije, uključujući donošenje propisa o osiguranju njihovog rada i izgradnji;
- provodenje socijalne politike i uspostava službi socijalne zaštite;
- stvaranje i primjena politike turizma i razvoja turističkih resursa;
- stvaranje predpostavki za optimalni razvoj privrede koja odgovara urbanoj sredini;
- finansiranje djelatnosti kantonalnih vlasti ili kantonalnih agencija oporezivanjem, zaduživanjem ili drugim sredstvima.

Član 13.

Zajedničke nadle nosti sa Federacijom

Kanton zajedno sa Federacijom, samostalno ili u koordinaciji sa federalnim vlastima vrši sljedeće nadle nosti:

- jamčenje i provođenje ljudskih prava;
- zdravstvo;
- politika zaštite čovjekove okoline;

- d) komunikacijska i transportna infrastruktura;
- e) socijalna politika;
- f) provodenje zakona i drugih propisa o dravljanstvu;
- g) imigracija i azil;
- h) turizam;
- i) korištenje prirodnih bogatstava.

Član 14.

Vršenje nadle nosti

Svoje nadle nosti Kanton izvršava donošenjem sopstvenih propisa i primjenom propisa Bosne i Hercegovine i Federacije.

Nadle nosti iz člana 13. ovog Ustava Kanton vrši u obimu dogovorenom sa federalnim vlastima. U slučaju da takav dogovor ne postoji te nadle nosti će Kanton vršiti cjelovito i samostalno.

Član 15.

Prenošenje nadle nosti

Svoje nadle nosti iz oblasti obrazovanja, kulture, turizma, lokalnog poslovanja i dobrotvornih aktivnosti, radija i televizije Kanton može prenositi na općine u svom sastavu. Ove nadle nosti će se obavezno prenositi na one općine u kojima većinsko stanovništvo prema nacionalnoj strukturi nije stanovništvo koje čini većinu i na području cijelog Kantona.

Kanton može neke od svojih nadle nosti prenijeti i na federalne vlasti, ukoliko bi se na taj način obezbijedilo njihovo efikasnije i racionalnije vršenje.

Odluku o prenošenju nadle nosti u smislu ovog člana donosi Skupština.

IV - STRUKTURA VLASTI

A) ZAKONODAVNA VLAST

Član 16.

Opća odredba

Zakonodavnu vlast u Kantonu vrši Skupština Kantona.

Član 17.

Sastav Skupštine

Skupština je jednodomo predstavničko tijelo sastavljeno od 45 (četrdesetpet) poslanika. Poslanici se biraju tajnim glasanjem na neposrednim izborima na cijelom području Kantona.

Prilikom izbora poslanika obezbjeduje se odgovarajuća zastupljenost predstavnika Bošnjaka, Hrvata i ostalih naroda proporcionalno nacionalnoj strukturi stanovništva na području Kantaona.

Izbor poslanika u Skupštini provodi se sukladno federalnim izbornim propisima, s tim što izbore raspisuje i provodi Skupština.

Mandat poslanika u Skupštini trje 2 (dvije) godine.

Član 18.

Nadle nosti Skupštine

Skupština Kantona:

a) priprema i dvotrećinskom većinom usvaja Ustav Kantona;

b) donosi zakone i druge propise u okviru izvršavanja nadle nosti Kantona, izuzev propisa koji su ovim Ustavom ili zakonom dati u nadle nost Vlade Kantona;

c) bira i razrješava Predsjednika i podpredsjednika Kantona sukladno Ustavu Federacije i ovom Ustavu;

d) utvrđuje politiku i donosi programe razvoja Kantona;

e) potvrđuje imenovanje Premijera, zamjenika Premijera i članova Vlade Kantona;

f) osniva kantonalne i općinske sudove i utvrđuje njihove nadle nosti;

g) bira sudije kantonalnih sudova sukladno Ustavu Federacije i ovom Ustavu;

h) usvaja budžet Kantona i donosi zakone o oporezivanju i na drugi način osigurava potrebno finansiranje;

i) bira zastupnike u Dom naroda Federacije sukladno Ustavu Federacije;

j) odlučuje o prijenosu ovlaštenja Kantona na općine i Federaciju;

k) odobrava zaključivanje ugovora i sporazuma u oblasti međunarodnih odnosa i međunarodne suradnje;

l) provodi istragu sukladno ovom Ustavu i posebnim propisima;

m) vrši i druge poslove utvrđene federalnim propisima, ovim Ustavom i kantonalnim propisima.

Član 19.

Način rada Skupštine

Skupština bira predsjedavajućeg i dva njegova zamjenika iz reda izabranih poslanika.

Skupština zasjeda javno, izuzev u slučajevima kada je to predviđeno njenim poslovnikom. Izvještaji o zasjedanjima i donesenim odlukama se objavljaju u sredstvima javnog informiranja.

Način rada Skupštine boli se uređuje poslovnikom.

Član 20.

Poslanički imunitet

Krivični postupak ili građanska parnica ne mogu biti pokrenuti protiv kantonalnog poslanika, niti kantonalni poslanik može biti zadržan u pritvoru ili kažnjena na bilo koji način zbog iznesenog mišljenja i datog glasa u Skupštini.

Član 21.

Način odlučivanja u Skupštini

U vršenju svojih nadle nosti Skupština donosi zakone, druge propise, te opće i pojedinačne akte (dalje: propisi).

IZVOD

IZ ZAKONA O NABAVLJANJU, DRŽANJU I NOŠENJU ORUŽJA I MUNICIJE KOJE SE MJENJAJU ILI DOPUNJAVAJU

Član 5. (Značenje pojmova)

Pojedini pojmovi upotrijebljeni u ovom zakonu imaju slijedeće značenje:

a) oružja

- 1) "vatreno oružje" su sve vrste pušaka, pištolja, revolvera, kao i sve vrste naprava koje ispaljuje, služi za ispaljivanje ili se mogu lako prepraviti za ispaljivanje sačme, zrna ili nekog drugog projektila djelovanjem potisnog punjenja,
- 2) "kratko vatreno oružje" je oružje čija cijev nije duža od 30 cm, a ukupna dužina oružja ne prelazi 60 cm,
- 3) "dugo vatreno oružje" je svako vatreno oružje, osim kratkog vatretnog oružja,
- 4) "automatsko vatreno oružje" je svako vatreno oružje koje se nakon opaljenja automatski napuni i koje može ispaliti više od jednog metka jednokratnim pritiskanjem okidača,
- 5) "poluautomatsko vatreno oružje" je oružje koje je nakon ispaljivanja svakog metka ponovno spremno za ispaljivanje i kod kojeg je iz cijevi jednokratnim pritiskom okidača moguće ispaljivati jedan metak,
- 6) "vatreno oružje s repetirajućim mehanizmom" je oružje kod kojeg je nakon ispaljivanja svakog metka potrebno ručno preko mehanizma iz spremnika ili cilindra ubaciti metak u cijev,
- 7) "vatreno oružje s jednostrukim okidanjem" je vatreno oružje koje nema spremnik, koje se prije svakog ispaljivanja puni ručnim ubacivanjem metka u komoru ili u nišu za punjenje na poklopcu cijevi,
- 8) "vazdušno oružje" su sve vrste pušaka, pištolja, revolvera i drugih naprava koje snagom sabijenog vazduha ili drugog gasa izbacuju kroz cijev zrno, kuglicu, sačmu ili drugi projektil,
- 9) "airsoft i paintball naprave" su puške i pištolji, odnosno sportski rekviziti namijenjeni izbacivanju plastičnih, gumenih ili želatinoznih projektila na isti način kao i vazdušno oružje, s tim da mogu imati veći kalibar od navedenog i mogu raditi u automatskom režimu i da je energija projektila manja od energije navedene za pojam vazdušnog oružja,
- 10) "gasno oružje" su pištolji, revolveri, puške i druge naprave koje pod pritiskom energije barutnog punjenja ili sabijenog gasa usmjereni raspršuju neškodljive nadražljive tvari za onesposobljavanje pojedinca koje na ljudsko zdravlje imaju kratkotrajan učinak,
- 11) "sprej za omamljivanje" je naprava namijenjena civilnom tržištu, koja sadrži i prilikom upotrebe raspršuje nadražujuća hemijska jedinjenja u koncentracijama dozvoljenim po prihvaćenim međunarodnim standardima,
- 12) "uređaj za izazivanje elektrošokova (elektrošoker ili paralizator)" su ručne naprave koje pomoću visokog električnog napona privremeno onesposobljavaju lice,
- 13) "oružje za signalizaciju" su pištolji, revolveri, puške i druge naprave koje pod pritiskom energije barutnog punjenja ili sabijenog gasa raspršuju ili ispaljuju naboj namijenjen isključivo za izazivanje glasnog pucnja ili ispaljivanju svijetlećeg signala,

- 14) "konvertibilno oružje" je gasno, startno i signalno oružje, kao i svako drugo oružje koje ima cijev i izgledom podsjeća na vatreno oružje i koje se, s obzirom na konstrukciju i materijal od koga je napravljeno, može prepraviti tako da ispaljuje bojevu municiju,
- 15) "lovačko oružje" je vatreno oružje s kojim se smije loviti divljač u skladu s propisima o lovstvu,
- 16) "kombinovano oružje" je oružje s dvije ili više olučenih (glatkih) i neolučenih (užljeblijenih) cijevi različitog kalibra,
- 17) "sportsko oružje" je vatreno, vazdušno, hladno i oružje s tetivom ili oprugom koje se koristi u streljaštvu ili drugim sportovima, u skladu s posebnim propisima,
- 18) "oružje s tetivom" su samostreli, lukovi, praće i druge naprave koje snagom napete tetine ili druge elastične materije izbacuju strjelu ili drugi projektil,
- 19) "staro oružje" su duge i kratke puške, kubure i druge vrste oružja za koje se više ne proizvodi municija, koje imaju istorijsku ili umjetničku vrijednost ili služi za umjetničke, kulturne i druge slične priredbe, ili čini sastavni dio narodne nošnje i koje je od strane ovlaštene organizacije ili ovlaštenog pojedinca trajno onesposobljeno za upotrebu,
- 20) "trofejno oružje" je vatreno i vazdušno oružje koje je od strane ovlaštene organizacije ili ovlaštenog pojedinca trajno onesposobljeno za upotrebu i hladno oružje koje se čuva kao uspomena iz ranijeg perioda istorije Bosne I Hercegovine ili za njegovog vlasnika predstavlja ličnu ili porodičnu uspomenu, odnosno trofej,
- 21) "vojno oružje i municija" je oružje i municija koje se nabavlja prema posebnim propisima i čiji promet fizičkim licima nije dozvoljen ili je ograničen,
- 22) "hladno oružje" su bodeži, kame, mačevi, sablje, bajoneti i skakavci čije se sječivo nalazi pod pritiskom sabijene opruge, a iz drške iskače pritiskom na dugme ili polugu ili metalne zyjezdice za bacanje, bez obzira na dužinu oštice, bokseri, buzdovani, te drugo oružje sa skrivenom oštricom, kao i drugi predmeti pogodni za nanošenje povreda kada se nose na javnim mjestima,
- 23) "oružje za samoodbranu" je kratko i dugo vatreno oružje različitih kalibara,
- 24) "imitacija oružja" su predmeti koji su vanjskim izgledom slični ili jednaki oružju, ali ih nije moguće upotrijebiti ili prepraviti u vatreno oružje,
- 25) "dekorativno oružje" je oružje koje je izrađeno u dekorativne svrhe i nije ga moguće upotrijebiti ili prepraviti u vatreno oružje,
- 26) "reprodukциje oružja" su kopije dugog i kratkog vatrenog oružja, koje se pune s usta cijevi crnim barutom i pale fitiljem, kremenom ili kapslom,
- 27) "mužari-prangije" su ručne ili samostojeće naprave namijenjene za izazivanje glasnog pucnja, koje su konstruisane tako da ne mogu primiti cijeloviti naboј, pune se s usta cijevi određenom količinom crnog baruta i pale štapinom, kremenom i kapslom, a zatvaraju sredstvom male specifične težine.

b) ostalo

- 1) "municija s probajnim dejstvom" je municija namijenjena za vojnu upotrebu pri čemu je projektil presvučen košuljicom i ima čvrstu probajnu jezgru,
- 2) "municija s eksplozivnim projektilima" je vojna municija koja sadrži punjenje koje eksplodira prilikom udara,
- 3) "municija sa zapaljivim projektilima" je vojna municija kod koje projektil sadrži hemijsku smjesu koja se zapali prilikom dodira sa zrakom ili prilikom udara,
- 4) "municija za vatreno oružje" je cijelovit metak koji sjediniuje čahuru, kapslu, barutno punjenje i projektil ili sačmu,
- 5) "minsko-eksplozivna sredstva" su sve vrste bombi, mina, granata i drugih naprava opremljenih s eksplozivnom materijom ili adekvatnom neeksplozivnom materijom ili detonatorom kod kojih pod spolnjim ili unutrašnjim djelovanjem (težina, udar, potez, trenje, električna energija, hemijska, nuklearna reakcija i sl.) dolazi do oslobođanja energije i njihovog aktiviranja, 6) "optički nišan" je naprava kojom se oružju povećava preciznost,

- 7) "posebna oprema za vatreno oružje" je svaki mehanizam namijenjen kao dodatak za osnovni model oružja,
- 8) "onesposobljavanje vatrenog oružja" je onesposobljavanje svih bitnih dijelova oružja na način da njihovim uklanjanjem, zamjenom ili izmjenom ne može biti omogućeno njegovo osposobljavanje,
- 9) "opravljivanje oružja" je otklanjanje kvarova na oružju i zamjena ili ugradnja originalnih dijelova,
- 10) "prepravljanje oružja" je prilagođavanje oružja drugoj municipiji, zamjena ili ugradnja bitnih dijelova oružja i drugi zahvati na oružju kojima se utiče na njegovo funkcionisanje ili na tehnička svojstva,
- 11) "prenošenje oružja" je premještanje oružja za koje je izdat oružni list, s jednog mjesta na drugo,
- 12) "promet oružja i municipije" je nabavljanje oružja i municipije radi prodaje, smještaja i čuvanja oružja i municipije u svrhu prodaje, prodaja oružja i municipije na malo i veliko u Kantonu Sarajevo,
- 13) "samostalni poduzetnik" je fizičko lice koje na osnovu posebnih propisa obavlja registrovanu djelatnost,
- 14) "ovlašteni trgovac oružjem" je pravno lice ili poduzetnik koji posjeduje odobrenje nadležne policijske uprave za bavljenje prometom oružja, bitnih dijelova oružja i municipije,
- 15) "posrednik u prometu oružjem - broker" je pravno lice ili poduzetnik, koje nije trgovac oružjem, a koji se na osnovu odobrenja nadležne policijske uprave bavi pregovaranjem, ugovaranjem i posredovanjem u ugovaranju poslova u vezi s kupovinom ili prodajom oružja i municipije,
- 16) "ovlašteni serviser oružja" je pravno lice ili poduzetnik kojem je rješenjem nadležnog organa odobreno bavljenje opravljanjem i prepravljanjem oružja,
- 17) "ispitavanje vatrenog oružja" je provjeravanje ispravnosti funkcionisanja oružja i ispravnosti pojedinih dijelova vatrenog oružja te kontrola izdržljivosti cijevi i drugih odgovarajućih dijelova pod određenim pritiskom,
- 18) "obilježavanje žigom vatrenog oružja" je utiskivanje propisanih žigova na određene dijelove vatrenog oružja za koje je ispitivanjem utvrđena ispravnost,
- 19) "tehnički pregled vatrenog oružja" je pregled koji se obavlja radi provjere tehničke ispravnosti oružja,
- 20) "legalizacija oružja" je postupak registracije neregistrovanog oružja koje je lice posjedovalo bez odobrenja za koje nije potrebno dokazivati porijeklo oružja, uz ispunjenost uvjeta propisanih ovim zakonom,
- 21) "amnestija lica" je oslobođanje od odgovornosti za nelegalno posjedovanje oružja B kategorije, prilikom dobrovoljne predaje istog,
- 22) "registrovano oružje" je oružje za koje je izdata odgovarajuća isprava o oružju,
- 23) "registracija oružja" je unos podataka o oružju i vlasniku, odnosno korisniku oružja u službene evidencije propisane ovim zakonom, kao i propisima donesenim na osnovu ovog zakona, uz izdavanje odgovarajuće isprave,
- 24) "oružni list" je isprava na osnovu koje se drži i nosi oružje u skladu s ovim zakonom i sadrži podatke o oružju, bitnim dijelovima oružja i vlasniku oružja,
- 25) "vlasnici oružja", u smislu ovog zakona su fizička lica, pravna lica i poduzetnici,
- 26) "zajednički korisnici oružja", u smislu ovog zakona su lica koja koriste jedno isto lovačko ili sportsko oružje,
- 27) "civilno strelište" je otvoreni ili zatvoreni objekat (streljana) namijenjen sportsko-rekreativnom gađanju i edukaciji koji ispunjavaju tehničke i sigurnosne uvjete za upotrebu registrovanog ili prijavljenog oružja,
- 28) "vježbalište" je dio lovišta određen za ispitivanje preciznosti lovačkog oružja koje se formira u skladu s propisima o lovstvu.

Član 7. (Ograničenja)

- (1) Oružje iz člana 6. ovog zakona se, u pogledu prava i obaveza vlasnika oružja, razvrstava u:
- a) zabranjeno oružje - oružje kategorije A,
 - b) dozvoljeno oružje za koje je potrebno prethodno odobrenje - oružje kategorije B,
 - c) dozvoljeno oružje za koje je potrebna prijava nadležnom organu - oružje kategorije C i
 - d) dozvoljeno oružje za koje nije potrebno odobrenje niti prijava nadležnom organu - oružje kategorije D.
- (2) Zabranjeno je nabavljanje ili držanje ili nošenje oružja kategorije A, osim ako ovim zakonom nije drugačije propisano.
- (3) Zabranjeno je nabavljanje ili držanje ili nošenje oružja kategorije B bez odgovarajuće isprave o oružju.
- (4) Zabranjeno je držanje ili nošenje oružja kategorije C bez odgovarajuće isprave.
- (5) Zabranjeno je nositi hladno oružje na javnim mjestima, vjerskim okupljanjima, ugostiteljskim objektima, obrazovnim ustanovama i na drugim javnim mjestima.
- (6) Oružje kategorije D mogu nabavljati, držati i nositi samo lica starija od 18 godina, osim članova sportskih streljačkih organizacija, a izuzetno raspršivače (sprejeve) mogu nabavljati, držati i nositi lica starija od 16 godina.

Član 8. (Isprave o oružju)

- (1) Isprave o oružju u smislu ovog zakona su:
- a) odobrenje za nabavljanje oružja,
 - b) oružni list,
 - c) odobrenje za držanje oružja,
 - d) odobrenje za sakupljanje starog oružja,
 - e) kolekcionarska dozvola,
 - f) potvrda o prijavi i
 - g) druge isprave o oružju izdate na osnovu međunarodnih ugovora.
- (2) Bliže odredbe o izgledu i sadržaju obrazaca isprava o oružju iz stava (1) ovog člana, kao i zahtjeva za izdavanje isprava o oružju i drugih dokumenata, na prijedlog policijskog komesara propisuje ministar unutrašnjih poslova Kantona Sarajevo (u daljem tekstu: ministar).

Član 10. (Opći i posebni uvjeti za izdavanje odobrenja za nabavljanje oružja za fizička lica)

- (1) Oružje iz kategorije B može se nabavljati samo na osnovu odobrenja nadležne policijske uprave.
- (2) Zahtjev za izdavanje odobrenja za nabavljanje oružja kategorije B za fizička lica podnosi se na propisanom obrascu nadležnoj policijskoj upravi.
- (3) Nadležna policijska uprava izdat će fizičkom licu odobrenje za nabavljanje oružja kategorije B ukoliko ispunjava opće i posebne uvjete.
- (4) Opći uvjeti za izdavanje odobrenja za nabavljanje oružja fizičkom licu su:
- a) da ima opravdani razlog za nabavljanje oružja,

- b) da je lice navršilo 21 godinu života,
- c) da nije pravosnažno osuđeno za krivično djelo, osim za krivično djelo protiv bezbjednosti javnog saobraćaja iz nehata koje za posljedicu ima tjelesnu povredu ili materijalnu štetu, odnosno za krivična djela u državi čiji je državljanin ili u kojoj ima prebivalište ili boravište,
- d) da protiv njega nije u Bosni i Hercegovini potvrđena optužnica, niti da se vodi krivična istraga ili krivični postupak, osim za krivična djela protiv bezbjednosti javnog saobraćaja iz nehata koje za posljedicu ima tjelesnu povredu ili materijalnu štetu, odnosno za krivična djela u državi čiji je državljanin ili u kojoj ima prebivalište ili boravište,
- e) da lice u posljednje dvije godine do dana podnošenja zahtjeva za izdavanje odobrenja za nabavljanje oružja nije kažnjavano za prekršaj protiv javnog reda i mira s obilježjem nasilja, prekršaj propisan ovim zakonom ili prekršaj s obilježjem nasilja propisan drugim zakonom,
- f) da se protiv njega ne vodi prekršajni postupak za prekršaj protiv javnog reda i mira s obilježjem nasilja, prekršaj propisan ovim zakonom ili prekršaj s obilježjem nasilja propisan drugim zakonom i
- g) da ne postoje druge okolnosti koje ukazuju da bi oružje moglo biti zloupotrijebljeno, a naročito: češće i prekomjerno uživanje alkohola, uživanje narkotičkih sredstava ili drugih omamljujućih sredstava, disciplinske povrede propisa o lovstvu i sportskom streljaštvu, kao i druge okolnosti koje lice čine nepodobnim za posjedovanje oružja.

(5) Posebni uvjeti za izdavanje odobrenja za nabavljanje oružja fizičkom licu su:

- a) da je na zdravstvenom pregledu utvrđeno da je lice zdravstveno sposobno za držanje i nošenje oružja i
- b) da raspolaže tehničkim znanjem za pravilno rukovanje oružjem i da poznaje propise koji se odnose na držanje, čuvanje i nošenje oružja.

(6) Ukoliko lice koje ima važeći oružni list za oružje koje je ranije nabavila na osnovu izdatog odobrenja za nabavljanje oružja, podnese zahtjev za izdavanje odobrenja za nabavljanje oružja iste vrste, neće se provoditi postupak za utvrđivanje općih i posebnih uvjeta iz st. (4) i (5) ovog člana.

(7) Nadležna policijska uprava ovlaštена je u svako doba provjeriti daljnje ispunjavanje uvjeta iz stava (4), tač. a), c), d), e), f) i g) i stava (5) tačka a) ovog člana kod lica kojem je izdat oružni list za nabavljanje, držanje i nošenje oružja, ako sazna za okolnosti koje dovode u sumnju daljnje ispunjavanje tih uvjeta.

(8) Načelnik nadležne policijske uprave će formirati komisiju od tri člana koja će cijeniti ispunjavanje i opravdanost zahtjeva za dobijanje odobrenja za nabavljanje oružja, a u sastav komisije će se imenovati i referent za oružje iz policijske uprave kao stručni član komisije.

(9) Način rada komisije iz stava (8) ovog člana i drugih na utvrđivanju ispunjenosti i opravdanosti uvjeta iz st. (4) i (5) ovog člana i pravo na naknadu, na prijedlog policijskog komesara, propisuje ministar.

(10) Izuzetno od stava (4) tačka b), fizičkom licu se može dati odobrenje za nabavljanje oružja sa navršenih 18 godina ako je drugim zakonom ili aktom ovlašteno za nabavljanje i držanje oružja, ako je član sportske streljačke organizacije koji se aktivno takmiči u streljaštvu ili ako ima položen lovački ispit.

Član 11.

(Utvrđivanje općih uvjeta za izdavanje odobrenja za nabavljanje oružja fizičkom licu)

(1) Fizičko lice ima opravdani razlog za nabavljanje oružja iz člana 10. stava (4) tačka a) ovog zakona ukoliko želi oružje nabaviti u svrhu lične sigurnosti, lova, sporta ili kolezionarstva.

(2) Fizičko lice ima opravdani razlog za nabavljanje oružja u svrhu lične sigurnosti, ukoliko učini vjerovatnim da bi mu mogla biti ugrožena lična sigurnost ili zbog drugih okolnosti.

(3) Fizičko lice ima opravdan razlog za nabavljanje lovačkog oružja ukoliko je član lovačke organizacije i ukoliko ima položen lovački ispit što dokazuje uvjerenjem o članstvu u lovačkom društvu, članskom knjižicom i uvjerenjem o položenom lovačkom ispitom. Odobrenje za nabavljanje lovačkog oružja može se izdati i sportskim streljačkim organizacijama i njenim članovima radi upražnjavanja streljačkog sporta.

(4) U slučaju prestanka članstva u lovačkoj organizaciji, ista je dužna u roku od 60 dana od dana prestanka članstva da dostavi nadležnoj policijskoj upravi dokaz o prestanku članstva.

(5) Izuzetno od st. (2) i (3) ovog člana fizičko lice ima opravdani razlog za nabavljanje oružja ukoliko je oružje:

a) neophodno radi zaštite imovine (stada, usjeva i sl.) i

b) ako se radi o oružju stečenom na osnovu naslijeda.

(6) Fizičko lice ima opravdan razlog za nabavljanje sportskog oružja ukoliko je član sportske streljačke organizacije i aktivno se bavi sportskim streljaštvom, što dokazuje uvjerenjem sportske streljačke organizacije čiji je član i članskom knjižicom.

(7) U slučaju prestanka članstva u sportskoj streljačkoj organizaciji, ista je dužna u roku od 60 dana od dana prestanka članstva da dostavi nadležnoj policijskoj upravi dokaz o prestanku članstva.

(8) Fizičko lice ima opravdani razlog za nabavljanje oružja u svrhu kolekcionarstva ukoliko posjeduje kolekcionarsku dozvolu iz člana 33. stav (11) ovog zakona.

(9) Postojanje uvjeta iz člana 10. stav (4) tačka b) ovog zakona utvrđuje se na osnovu uvida u ličnu kartu podnosioca zahtjeva i obavijesti nadležnog organa o prebivalištu - boravištu sa ličnim podacima (PBA - 3 obrazac).

(10) Postojanje uvjeta iz člana 10. stav (4) tač. c), d), e) i f) ovog zakona, po službenoj dužnosti utvrđuje nadležna policijska uprava na osnovu uvjerenja nadležnog suda, uvjerenja nadležnog tužilaštva i uvjerenja organa nadležnog za vođenje kaznenih ili prekršajnih evidencija, a nakon toga, ukoliko iz objektivnih i opravdanih razloga to nije u mogućnosti izvršiti, nadležna policijska uprava će podnosioca zahtjeva uputiti da tražene podatke dostavi lično.

(11) Postojanje uvjeta iz člana 10. stav (4) tač. a) i g) ovog zakona utvrđuje nadležna policijska uprava.

Član 16.

(Utvrđivanje tehničkog znanja za pravilno rukovanje oružjem i poznavanja propisa koji se odnose na držanje, čuvanje i nošenje oružja)

(1) Ispunjavanje uvjeta iz člana 10. stava (5) tačke b) ovog zakona, za oružje kategorije B podnositelj zahtjeva dokazuje:

a) potvrdom o položenom ispitu o poznavanju propisa koji se odnose na držanje, čuvanje i nošenje oružja koju izdaje komisija Ministarstva unutrašnjih poslova Kantona Sarajevo, koju na prijedlog policijskog komesara formira ministar.

b) potvrdom o položenom ispitu o raspolaganju tehničkim znanjima za pravilno rukovanje oružjem koju izdaje sportska streljačka, odnosno druga organizacija ili ustanova koja ima registrovano sjedište na području

Kantona Sarajevo i ispunjava propisane uvjete za provođenje obuke i posjeduje odobrenje nadležnog ministarstva.

(2) Izuzetno od stava (1) ovog člana, lica koja obavljaju ili su obavljali poslove policijskog službenika, službenika sudske policije, službenika straže kazneno-popravnih ustanova, službenika obavještajno-sigurnosne agencije Bosne i Hercegovine, osiguranja lica i imovine, profesionalna vojna lica, rezervne vojne starješine i lica koja imaju registrovano vatreno oružje oslobođena su obuke za pravilno

rukovanje oružjem i obuke o poznавању propisa koji se odnose na držanje, čuvanje i nošenje oružja, kao i druga lica koja su kroz

školovanje i druge vidove obuke sposobljena za pravilno rukovanje oružjem i poznaju propise koji se odnose na držanje, čuvanje i nošenje oružja, što se dokazuje odgovarajućom ispravom nadležnog organa.

(3) Sastav, način rada i naknadu za rad komisije iz stava (1) tačke a) ovog člana, način, program, troškove sposobljavanja i druga pitanja koja se odnose na obuku i provjeru znanja o poznавању propisa u vezi držanja, čuvanja i nošenja vatreног oružja, kao i način rada sportskih streljačkih, odnosno drugih organizacija ili ustanova iz stava (1) tačke b) ovog člana, koje se odnose na obuku i provjeru tehničkih znanja za pravilno rukovanje oružjem utvrđuje se Pravilnikom o programu obuke i načinu sposobljavanja za pravilno rukovanje, držanje i nošenje oružja, koji na prijedlog policijskog komesara donosi ministar.

Član 17.

(Rok za dostavljanje dokaza o ispunjavaju posebnih uvjeta koji se odnose na nabavljanje oružja)

Od podnosioca zahtjeva koji ispunjava opće uvjete iz člana 10. stav (2) ovog zakona, nadležna policijska uprava će zatražiti da u roku od 60 dana dostavi dokaze o ispunjavaju posebnih uvjeta iz člana 10. stav (5) ovog zakona.

Član 19.

(Odbijanje zahtjeva fizičkog lica za izdavanje odobrenja za nabavljanje oružja)

(1) Rješenje kojim se odbija zahtjev za izdavanje odobrenja za nabavljanje oružja sadrži razloge odbijanja, osim ukoliko bi to bilo u suprotnosti sa odredbama zakona kojima je regulisan krivični postupak.

(2) U obrazloženju rješenja kojim se odbija zahtjev za izdavanje odobrenja za nabavljanje oružja kategorije B fizičkom licu, zbog okolnosti iz člana 10. stav (4) tačka g) ovog zakona, nadležna policijska uprava nije obavezna navoditi načine utvrđivanja i pribavljanja podataka kojima se rukovodila kod donošenja rješenja.

(3) Protiv rješenja iz stava (1) ovog člana može se izjaviti žalba policijskom komesaru u roku od 15 dana od dana prijema rješenja.

(4) Protiv rješenja donesenog po žalbi ne može se voditi upravni spor.

Član 24.

(Nabavljanje municije)

(1) Municija se može nabavljati samo za vrstu oružja za koje lice ima važeću ispravu o oružju, izuzev civilnih streljačkih organizacija koji mogu nabavljati različitu municiju za svoje potrebe i potrebe obuke.

(2) Pravna lica, poduzetnici i fizička lica dužni su, u roku od osam dana od dana nabavljanja municije, o izvršenoj nabavci municije obavijestiti policijsku upravu koja je izdala važeću ispravu o oružju i koja o tome vodi evidenciju.

Član 28.

(Zamjena oružja i prenos prava svojine, korištenja i
raspolaganja)

- (1) Fizička lica međusobno mogu zamijeniti oružje, ako oružni listovi glase na istu vrstu vatrenog oružja.
- (2) Zamjenu oružja fizičko, pravno lice i poduzetnik može izvršiti kod ovlaštenog prodavca oružja samo za vrstu oružja za koje ima oružni list, odnosno odobrenje za držanje oružja.
- (3) Fizičko lice, pravno lice i poduzetnik iz st. (1) i (2) ovog člana dužni su da u roku od osam dana od dana zamjene oružja o tome obavijeste nadležnu policijsku upravu, predaju oružni list, odnosno odobrenje za držanje oružja i podnesu zahtjev za izdavanje novog oružnog lista, odnosno odobrenja za držanje oružja.
- (4) Fizička lica, pravna lica i poduzetnici kojima je izdat oružni list, odnosno odobrenje za držanje oružja, ne mogu prenijeti pravo svojine na vatreno oružje drugim fizičkim licima, pravnim licima i poduzetnicima koja nemaju odobrenje za nabavku te vrste oružja.
- (5) Vlasnik oružja koji je prenio pravo svojine na oružje dužan je odmah, a najkasnije u roku od osam dana, predati nadležnoj policijskoj upravi oružni list, odnosno odobrenje za držanje oružja i priložiti primjerak ugovora i odobrenja za nabavku oružja izdatog fizičkom licu, odnosno pravnom licu i poduzetniku na koje se prenosi pravo svojine, odnosno pravo korištenja i raspolaganja na oružje.
- (6) Fizička lica, pravna lica i poduzetnici kojima je izdat oružni list, odnosno odobrenje za držanje oružja mogu, uz ispunjavanje obaveza iz stava (5) ovog člana, prenijeti pravo svojine na vatreno oružje i pravnim licima i poduzetnicima iz člana 60. ovog zakona, koji su dužni u roku od osam dana obavijestiti nadležnu policijsku upravu o izvršenom prenosu prava svojine.

Član 29.
(Oružni list)

- (1) Za držanje i nošenje oružja fizičkim licima se izdaje oružni list.
- (2) Oružni list izdaje se na neograničeno vrijeme, ali je imalac oružnog lista dužan svakih 10 godina dostaviti nadležnoj policijskoj upravi dokaz o ispunjavanju uvjeta u pogledu zdravstvene sposobnosti za držanje i nošenje oružja.
- (3) Imalac oružja može, u roku od 60 dana od dana isteka roka iz stava (2) ovog člana, dostaviti nadležnoj policijskoj upravi dokaz o ispunjavanju uvjeta u pogledu zdravstvene sposobnosti za držanje i nošenje oružja.
- (4) Ukoliko u roku iz stava (3) ovog člana ne dostavi dokaz o ispunjavanju uvjeta u pogledu zdravstvene sposobnosti za držanje i nošenje oružja, imalac oružja je dužan nakon isteka navedenog roka oružje, municiju i oružni list predati nadležnoj policijskoj upravi, koja je u svakom slučaju, istekom propisanog roka od 60 dana, obavezna donijeti rješenje o oduzimanju oružja, municije i oružnog lista te postupiti u skladu s čl. 51. i 56. ovog zakona.
- (5) Protiv rješenja o oduzimanju iz stava (4) ovog člana može se izjaviti žalba policijskom komesaru u roku od 15 dana od dana prijema rješenja.
- (6) Na isto lovačko ili sportsko oružje mogu se izdati oružni listovi za najviše tri lica, uz ovjerenu saglasnost vlasnika oružja.

Član 37.
(Nošenje i prenošenje oružja i municije)

- (1) Oružje kategorije B se ne smije nositi bez oružnog lista.
- (2) Imalac oružja kategorije B dužan je na zahtjev policijskih službenika i drugih ovlaštenih službenih lica Ministarstva omogućiti uvid u to oružje i oružni list.

- (3) Fizičko lice ne smije nositi oružje kada je pod uticajem alkohola, opojnih droga ili drugih omamljujućih sredstava, odnosno u takvom stanju da nije u mogućnosti shvatiti značenje svog postupanja, odnosno vladati svojom voljom.
- (4) Oružje na javnom mjestu se ne smije učiniti vidljivim drugim građanima, odnosno nositi na način kojim se može izazvati osjećanje fizičke ugroženosti, uznenamirenosti ili negodovanje građana.
- (5) Van lovišta, odnosno streljšta, vatreno i vazdušno oružje mora se držati, odnosno nositi u futroli i ne smije biti napunjeno.
- (6) Prilikom prenošenja, oružje iz člana 3. ovog zakona ne smije biti napunjeno, odnosno metak ne smije biti u cijevi i mora se nalaziti u odgovarajućim futrolama, kutijama ili spremnicima za prijenos oružja.
- (7) Pripadnici agencija i unutrašnjih službi za zaštitu imovine i lica pri obavljanju poslova zaštite oružje i municiju smiju nositi u skladu s odredbama posebnih propisa.

Član 44.

(Postupanje u slučaju gubljenja ili krađe oružja i isprava o oružju)

- (1) Fizička lica, odnosno pravna lica i poduzetnici koji drže i nose registrovano oružje i oružje koje je nabavljeno na osnovu odobrenja za nabavljanje oružja, a nije registrovano u roku iz člana 27. stav (1), odnosno stav (2) ovog zakona, dužni su prijaviti gubljenje ili krađu oružja i municije odmah, a najkasnije u roku od 24 sata.
- (2) Fizička lica, pravna lica i poduzetnici dužni su prijaviti gubljenje ili krađu odobrenja za držanje oružja, oružnog lista i odobrenja za nabavljanje oružja odmah, a najkasnije u roku od 24 sata.
- (3) Fizička lica, pravna lica i poduzetnici dužni su u službenim novinama oglasiti nestanak isprava o oružju, osim odobrenja za nabavljanje oružja i municije, a nadležna policijska uprava donosi rješenje kojim se isprava o oružju oglašava nevažećom.
- (4) Prijave iz st. (1) i (2) ovog člana podnose se nadležnoj policijskoj upravi prema mjestu događaja ili saznanja o gubljenju ili krađi oružja i municije. U prijavi se moraju navesti okolnosti pod kojima su oružje, municija i isprave o oružju izgubljeni ili ukradeni, a koje su podnosiocu prijave poznati.
- (5) U slučaju gubljenja ili krađe oružja, fizičko lice, pravno lice i poduzetnik dužni su predati isprave o oružju nadležnoj policijskoj upravi odmah, a najkasnije u roku od osam dana, pri čemu se izdaje odgovarajuća potvrda.

Član 46.

(Promjena prebivališta, ličnog imena, naziva ili sjedišta)

- (1) Ako fizičko lice, odnosno pravno lice i poduzetnik kome je izdata odgovarajuća isprava o oružju, promijeni prebivalište, odnosno sjedište, dužan je da u roku od 30 dana od dana promjene prebivališta, odnosno sjedišta, prijavi promjenu prebivališta, odnosno sjedišta nadležnoj policijskoj upravi na čijem području je novo prebivalište, odnosno sjedište, radi upisa u odgovarajuću evidenciju isprava o oružju.
- (2) Kada fizičko lice, odnosno pravno lice i poduzetnik koje prema odredbama ovog zakona posjeduje oružje, promijeni lično ime, odnosno naziv, dužno je o tome obavijestiti nadležnu policijsku upravu u roku od 30 dana od dana te promjene, radi upisa odgovarajućih podataka u odgovarajuće službene evidencije i u isprave o oružju.

Član 49.

(Postupak u slučaju smrti vlasnika oružja)

- (1) U slučaju smrti vlasnika oružja i municije, punoljetni član njegove porodice, zakonski zastupnik, staratelj, lice koje je sa njim živjelo u zajedničkom domaćinstvu ili lice kod kojeg se oružje i municija u trenutku smrti nalazilo, dužno je odmah, a najkasnije u roku od 60 dana po saznanju o postojanju oružja i municije, obavijestiti nadležnu policijsku upravu i predati oružje, municiju i oružni list.
- (2) Nadležna policijska uprava će o predatom oružju, municiji i oružnom listu iz stava (1) ovog člana izdati potvrdu.
- (3) Nasljednik oružja i municije dužan je u roku od šest mjeseci od dana pravosnažnosti rješenja o naslijedivanju preuzeti jednu od slijedećih mjera:
- a) oružje i municiju prodati ili pokloniti,
 - b) podnijeti zahtjev za registraciju oružja i municije,
 - c) dati onesposobiti oružje te ga zadržati kao trofej,
 - d) predati oružje nadležnoj policijskoj upravi koja izdaje potvrdu o predaji oružja, oružje se odjavljuje iz evidencije i dostavlja na uništenje komisiji iz člana 30. stav (6) ovog zakona.
- (4) Izuzetno od stava (3) ovog člana, oružje i municija maloljetnog nasljednika čuvaće se kod nadležne policijske uprave dok ne navrši 21 godina života, osim u slučajevima iz člana 10. stav (10) ovog zakona.
- (5) Nasljednik oružja iz stava (4) ovog člana dužan je s oružjem i municijom postupiti na način propisan stavom (3) ovog člana.
- (6) Nasljednik oružja koji oružje proda, dužan je oružje odjaviti kod nadležne policijske uprave u roku od osam dana od dana prodaje.
- (7) Ukoliko umrlo lice nema nasljednika, oružje i municiju uništice komisija iz člana 30. stav (6) ovog zakona.

Član 51. (Oduzimanje oružja, municije i isprava o oružju)

- (1) Nadležna policijska uprava će donijeti rješenje o oduzimanju oružja i municije i isprava o oružju od fizičkog lica ako nastupi neki od slučajeva koji bi bili u suprotnosti s uvjetima utvrđenim u članu 10. stav (4) tač. a), c), d), e), f) i g), stav (5) tačka a) i stav (10), članu 11. st. (3) i (6) i članu 29. st. (3) i (4) ovog zakona.
- (2) Protiv rješenja o oduzimanju oružja, municije i isprava o oružju iz stava (1) ovog člana može se izjaviti žalba policijskom komesaru u roku od 15 dana od dana prijema rješenja.
- (3) Žalba ne odlaže izvršenje rješenja.
- (4) Protiv konačnog rješenja iz stava (2) ovog člana ne može se voditi upravni spor.

Član 61. (Prodaja oružja, bitnih dijelova oružja i municije na malo)

- (1) Ovlašteni prodavac oružja može prodavati oružje:
- a) kategorije B fizičkim i pravnim licima i poduzetnicima kojima je nadležna policijska uprava za to izdala odobrenje, a u roku od pet dana od dana prodaje o tome pismeno obavijestiti policijsku upravu koja je izdala odobrenje za nabavljanje oružja,
 - b) kategorije C i bitne dijelove oružja uz obavezu da o prodaji oružja i bitnih dijelova oružja obavijeste nadležnu policijsku upravu u roku od osam dana od dana prodaje i
 - c) kategorije D bez obaveze prijave nadležnoj policijskoj upravi.

(2) Ovlašteni prodavac oružja može prodavati municiju samo licima koja imaju važeću ispravu o oružju, a u roku od pet dana od dana prodaje dužan je o tome obavijestiti policijsku upravu koja je izdala važeću ispravu o oružju.

(3) Prilikom prodaje oružja iz stava (1) tačke a) ovog člana ovlašteni prodavac oružja je dužan da zadrži jedan primjerak odobrenja za nabavljanje oružja, a na drugi primjerak stave zabilješku o izvršenoj prodaji i ovjere je štambiljem i potpisom odgovornog lica.

Član 65.

(Uvjeti za osnivanje civilnih strelišta)

(1) Civilna strelišta za obavljanje sportske i druge djelatnosti mogu osnovati pravna lica i poduzetnici koji prije upisa u sudski registar, odnosno registar poduzetnika, za to dobiju odobrenje nadležne policijske uprave i nadležnog organa iz oblasti prostornog planiranja i urbanizma kojom se odobrava lokacija civilnog strelišta.

(2) Odobrenje iz stava (1) ovog člana nadležna policijska uprava će izdati ako:

- a) su ispunjeni prostorni i tehnički uvjeti za smještaj i čuvanje, kojima se obezbjeđuje da oružje i municija ne dođu u posjed neovlaštenih lica i ne ugroze bezbjednost ljudi i objekata.
- b) odgovorno lice u pravnom licu, odnosno poduzetnik uspunjava uvjete iz člana 10. stav (4) ovog zakona, a lice koje neposredno rukuje oružjem ispunjava uvjete iz člana 10. st. (4) i (5) ovog zakona i
- c) pravno lice i poduzetnik ima pravo vlasništva ili pravo korištenja objekta (otvorenog i/ili zatvorenog) i poslovnog prostora koji će biti u funkciji civilnog strelišta.

(3) Dokazivanje prostornih i tehničkih uvjeta se vrši odgovarajućom upotrebnom dozvolom za strelište koju izdaje nadležni organ iz oblasti prostornog planiranja i urbanizma.

(4) Pravna lica i poduzetnici iz stava (1) ovog člana obavezni su da, u roku od osam dana od dana upisa u sudski registar, odnosno registar poduzetnika, obavijeste nadležnu policijsku upravu.

(5) Odredbe ovog zakona ne primjenjuju se na lovačka strelišta koja se upotrebljavaju za gađanje i isprobavanje lovačkog oružja svojih članova prema propisima o lovstvu.

(6) Protiv rješenja nadležne policijske uprave može se izjaviti žalba policijskom komesaru u roku od 15 dana od dana prijema rješenja.

Član 74.

(Krivična djela)

(1) Novčanom kaznom ili kaznom zatvora od šest mjeseci do tri godine kaznit će se za krivično djelo:

- a) ko bez odobrenja nabavi, drži ili nosi vatreno oružje kategorije B (čl. 10. i 20. ovog zakona),
- b) ko proda vatreno oružje kategorije B pravnom licu, poduzetniku ili fizičkom licu koji nemaju odobrenje za nabavljanje te vrste oružja (čl. 28. stav (4) i 61. stav (1), tačka a) ovog zakona) i
- c) ko drugom da pištolj ili revolver na poslugu (član 40. stav (1) ovog zakona) ili ko da na poslugu lovačko oružje ili sportsko vatreno oružje licu koje za tu vrstu oružja nema oružni list (član 40. stav (2) ovog zakona).

(2) Za krivična djela iz stava (1) ovog člana obavezno se izriče i zaštitna injera oduzimanja oružja.

(3) U izvršenju zaštitne mjere iz stava (2) ovog člana za krivično djelo iz stava (1) tač. b) i c) ovog člana oduzima se oružni list, odnosno odobrenje za držanje oružja.

Član 75.

(Novčane kazne i zaštitne mjere za prekršaje fizičkih lica)

(1) Novčanom kaznom od 1.000,00 do 2.000,00 KM kaznit će se za prekršaj:

- a) ko ima saznanja o promjeni zdravstvenog stanja imaoča oružja, koja može uticati na sposobnost za držanje i nošenje oružja, a o tome ne obavijesti nadležnu policijsku upravu ili najbližu policijsku stanicu (član 14. stav (1) ovog zakona),
 - b) ko u propisanom roku, nakon upućivanja na vanredni zdravstveni pregled, nadležnoj policijskoj upravi ne dostavi uvjerenje o zdravstvenoj sposobnosti (član 14. Stav (3) ovog zakona),
 - c) ko u propisanom roku ne prijavi nabavku bitnih dijelova oružja nadležnoj policijskoj upravi ili ne preda nadležnoj policijskoj upravi zamijenjene tehnički ispravne dijelove vatreñog oružja koji se označavaju fabričkim brojem (član 23. stav (1) ovog zakona),
 - d) član sportske streljačke i lovačke organizacije koji spravlja municiju bez odobrenja nadležne policijske uprave ili istu stavlja u promet (član 25. st. (1) i (4) ovog zakona),
 - e) ko zamijeni oružje za onu vrstu oružja za koju nema izdat oružni list (član 28. st. (1) i (2) ovog zakona),
 - f) ko bez odobrenja nadležne policijske uprave sakuplja staro oružje (član 33. stav (1) ovog zakona),
 - g) ko preda ili proda staro oružje pravnom licu, poduzetniku i fizičkom licu koji nemaju odobrenje za sakupljanje starog oružja (član 33. stav (7) ovog zakona),
 - h) ko osposobi staro oružje koje je onesposobljeno za upotrebu (član 33. stav (9) ovog zakona),
 - i) ko postupi protivno odredbama člana 36. ovog zakona,
 - j) ko postupi protivno odredbama člana 37. ovog zakona,
 - k) ko postupi protivno odredbama člana 38. ovog zakona,
 - l) ko postupi protivno odredbi člana 39. ovog zakona,
 - m) ko posudi vazdušno oružje i oružje s tetivom maloljetnom licu (član 42. stav (2) ovog zakona),
 - n) ko prenosi sportsko oružje i pripadajuću municiju bez potvrde sportske streljačke organizacije (član 42. stav (3) ovog zakona),
 - o) ko postupi protivno odredbama člana 43. ovog zakona,
 - p) ko postupi protivno odredbama člana 44. ovog zakona,
 - r) ko ne obavijesti najbližu policijsku upravu, policijsku stanicu ili policijskog službenika u slučaju pronalaska oružja, municije i isprava o oružju ili o saznanju za sakriveno oružje, municiju i ispravu o oružju (član 45. Stav (1) ovog zakona) i
 - s) ko postupi protivno odredbi člana 48. stav (1) ovog zakona.
- (2) Za prekršaje iz stava (1), tač. b), c), d), e), f), g), h), i), j), k), l), m), o) i s) ovog člana, pored novčane kazne, izriče se zaštitna mjera oduzimanja oružja, municije, bitnih dijelova oružja i isprava o oružju.

ISPRAVKA

U "Službenim novinama Kantona Sarajevo", broj 01/18 od 04.01.2018. godine u Zakonu o nabavljanju, držanju i nošenju oružja i municije u članu 75. stav (1), na strani 14 pogrešno je naveden redoslijed tačaka od tačke "n" do tačke "r", a tekst u ovim tačkama nije izmijenjen.

Ispravan redoslijed glasi:

- n) ko prenosi sportsko oružje i pripadajuću municiju bez potvrde sportske streljačke organizacije (član 42. stav (3) ovog zakona),
- o) ko postupi protivno odredbama člana 43. ovog zakona,
- p) ko postupi protivno odredbama člana 44. ovog zakona,

r) ko ne obavijesti najbližu policijsku upravu, policijsku stanicu ili policijskog službenika u slučaju pronađaska oružja, municije i isprava o oružju ili o saznanju za sakriveno oružje, municiju i ispravu o oružju (član 45. stav (1) ovog zakona) i

Član 76.

(Novčane kazne i zaštitne mjere za prekršaje fizičkih lica)

(1) Novčanom kaznom od 500,00 do 1.000,00 KM kaznit će se za prekršaj:

- a) ko u propisanom roku ne vrati odobrenje za nabavljanje oružja (član 18. stav (3) ovog zakona),
 - b) ko nosi, koristi i rukuje s oružjem koje mu je povjereni u vrijeme kada ne vrši službu, ili iznese oružje van objekta odnosno prostora ili pravca kretanja transporta koji obezbjeđuje ili ne čuva na bezbjednom mjestu tako da ne onemogući pristup oružju neovlaštenim licima (član 21. stav (2) ovog zakona),
 - c) ko nabavi municiju za oružje za koje nema izdat oružni list ili u propisanom roku ne prijavi nabavku municije (član 24. ovog zakona),
 - d) ko u propisanom roku ne podnese pisani zahtjev nadležnoj policijskoj upravi za registraciju oružja i izdavanje oružnog lista (član 27. stav (1) ovog zakona),
 - e) ko u propisanom roku nadležnoj policijskoj upravi ne prijavi zamjenu vatrene oružja, ne predaje oružni list i ne podnese zahtjev za izdavanje novog oružnog lista (član 28. stav (3) ovog zakona).
 - f) ko u propisanom roku ne prijavi prenos prava svojine na vatreno oružje (član 28. st. (5) i (6) ovog zakona),
 - g) ko u propisanom roku o izvršenoj nabavci, prodaji ili predaji starog oružja ne obavijesti nadležnu policijsku upravu (član 33. stav (8) ovog zakona),
 - h) ko postupi protivno odredbama člana 34. ovog zakona,
 - i) ko ne vrati pravnom licu koje upravlja lovištem oružje odnosno neutrošenu količinu municije dobijenu na poslugu u određenom roku ili ih upotrebljava, odnosno iznosi van određenog lovišta (član 41. stav (3) ovog zakona),
 - j) ko postupi protivno odredbama člana 46. ovog zakona,
 - k) ko u propisanom roku ne obavijesti i ne predaje na čuvanje nadležnoj policijskoj upravi oružje, municiju i oružni list u slučaju smrti vlasnika oružja i municije (član 49. stav (1) ovog zakona),
 - l) nasljednik oružja i municije koji u propisanom roku ne postupi u skladu s ovim zakonom (član 49. stav (3) ovog zakona),
 - m) nasljednik oružja koji u propisanom roku nakon prodaje oružja isto ne odjavi kod nadležne policijske uprave (član 49. stav (6) ovog zakona) i
 - n) fizičko lice koje ne vodi evidenciju iz člana 70. stav (8) ovog zakona,
 - o) prekršajno odgovorno maloljetno lice koje nabavi, drži I nosi oružje kategorije D protivno odredbama člana 35. ovog zakona, odnosno roditelj, usvojitelj ili staratelj maloljetnika koji nabavi i drži i nosi oružje kategorije D, protivno odredbama člana 35. ovog zakona, ako je počinjeni prekršaj maloljetnika posljedica propuštanja nadzora nad maloljetnikom, a bili su u mogućnosti vršiti takav nadzor,
- (2) Za prekršaje iz stava (1), tač. a), c), d), e), f), g), h), i), j), k), l) i o) ovog člana, pored novčane kazne, izriče se zaštitna mjera oduzimanja oružja, municije, bitnih dijelova oružja i isprava o oružju.

Član 77.

(Novčane kazne i zaštitne mjere za prekršaje pravnih lica i poduzetnika)

(1) Novčanom kaznom od 10.000,00 do 15.000,00 KM kaznit će se za prekršaj:

- a) zdravstvena ustanova koja ima saznanja o promjeni zdravstvenog stanja imaoča oružja, koja može uticati na sposobnost za držanje i nošenje oružja, a o tome ne obavijesti nadležnu policijsku upravu ili najbližu policijsku stanicu (član 14. stav (1) ovog zakona),
- b) pravna lica i poduzetnici koja povjere nošenje oružja i municije licu koje nije određeno da neposredno vrši poslove zaštite i koje ne ispunjava uslove za nošenje oružja propisane ovim zakonom (član 21. stav (1)) ili koje naredi ili dozvoli da lice kome je povjeroeno oružje radi vršenja poslova zaštite nosi to oružje suprotno odredbama člana 21. stav (2) ovog zakona,
- c) pravno lice i poduzetnik koji u propisanom roku ne prijavi nabavku bitnih dijelova oružja nadležnoj policijskoj upravi (član 23. stav (1) ovog zakona),
- d) pravno lice i poduzetnik koji nabavi municiju za oružje za koje nema izdat oružni list ili u propisanom roku ne prijevi nabavku municije (član 24. ovog zakona),
- e) sportska streljačka i lovačka organizacija koja spravlja municiju bez odobrenja nadležne policijske uprave ili istu stavlja u promet (član 25. st. (1) i (4) ovog zakona),
- f) pravno lice i poduzetnik koji zamijene oružje za onu vrstu oružja za koju nema izdat oružni list (član 28. stav (2) ovog zakona),
- g) pravno lice i poduzetnik koji ne obavijeste u propisanom roku nadležnu policijsku upravu o prestanku potrebe za dalnjim držanjem oružja i municije (član 31. stav (2) ovog zakona),
- h) pravno lice i poduzetnik koji bez odobrenja nadležne policijske uprave sakuplja staro oružje (član 33. stav (1) ovog zakona),
- i) pravno lice i poduzetnik koji proda ili preda staro oružje fizičkom ili pravnom licu ili poduzetniku koji nemaju odobrenje za sakupljanje starog oružja (član 33. stav (7) ovog zakona),
- j) pravno lice i poduzetnik koji u propisanom roku o izvršenoj nabavci, prodaji ili predaji starog oružja ne obavijesti nadležnu policijsku upravu (član 33. stav (8) ovog zakona),
- k) pravno lice i poduzetnik koji osposobi staro oružje koje je onesposobljeno za upotrebu (član 33. stav (9) ovog zakona),
- l) pravno lice i poduzetnik koji u propisanom roku ne prijavi nadležnoj policijskoj upravi nabavljanje oružja kategorije C (član 34. stav (2) ovog zakona),
- m) pravno lice i poduzetnik koji postupi protivno odredbama člana 38. st. (8), (9), (10) i (11) ovog zakona,
- n) pravno lice koje upravlja lovištem koje postupi protivno odredbama člana 41. ovog zakona,
- o) sportska streljačka organizacija koja postupi protivno odredbama člana 42. ovog zakona,
- p) pravno lice i poduzetnik, sportska streljačka organizacija i organizacija koja gazduje lovištem koji postupe protivno odredbama člana 43. stav (6) ovog zakona,
- r) pravno lice i poduzetnik koji postupe protivno odredbama člana 44. ovog zakona,
- s) pravno lice i poduzetnik koji se bave popravljanjem i prepravljanjem oružja, koji postupe protivno odredbama člana 57. ovog zakona,
- t) pravno lice i poduzetnik koje se bave popravljanjem i prepravljanjem oružja, koji postupe protivno odredbama člana 58. ovog zakona,
- u) pravno i poduzetnik koji se bavi prometom oružja, bitnih dijelova oružja i municije, koji postupe protivno odredbama člana 60. stav (1) ovog zakona,
- v) ovlašteni prodavac oružja koji u propisanom roku ne obavijesti nadležnu policijsku upravu o prodaji municije (član 61. stav (2) ovog zakona), oružja kategorije C i bitnih dijelova oružja (član 61. stav (1) tačka b) ovog zakona),
- z) ovlašteni prodavac oružja koji postupi protivno odredbi člana 62. ovog zakona,
- aa) pravno lice i poduzetnik koji se bavi posredovanjem u prometu oružja i municije bez odobrenja nadležne policijske uprave (član 64. stav (1) ovog zakona),
- bb) pravno lice i poduzetnik koji osnuju civilna strelištabeza odobrenja nadležne policijske uprave i nadležnog organa iz oblasti prostornog planiranja i urbanizma kojom se odobrava lokacija civilnog strelišta (član 65. stav (1) ovog zakona),

cc) pravno lice i poduzetnik, osnivač civilnog streljaštva, koji postupi protivno odredbama člana 67. ovog zakona i

dd) pravno lice i poduzetnik, osnivač civilnog streljaštva, koji u propisanom roku ne uskladi svoj rad u skladu sa odredbama zakona i podzakonskog akta iz člana 63. stav (3) ovog zakona (član 69. ovog zakona)

ee) sportska streljačka, odnosno druga organizacija ili ustanova koja postupi suprotno odredbama člana 16. ovog zakona.

(2) Za prekršaje iz stava (1) ovog člana kaznit će se novčanom kaznom od 2.000,00 do 3.000,00 KM i odgovorno lice u pravnom licu i poduzetnik.

(3) Za prekršaj iz stava (1) tač. b), c), d), e), f), g), h), i), k), l), m), n), o), p), s), t), u), z), aa), bb), cc) i dd) ovog člana izreći će se i zaštitna mjera oduzimanja oružja, municije, bitnih dijelova oružja i isprava o oružju, a za prekršaje iz stava (1) tač. b), e), h), k), s), t), u), z), aa), bb), cc), dd) i ee) može se izreći i zaštitna mjera zabrane vršenja djelatnosti od tri mjeseca do šest mjeseci.

Član 78.

(Novčane kazne i zaštitne mjere za prekršaje pravnih lica i poduzetnika)

(1) Novčanom kaznom od 5.000,00 do 10.000,00 KM kaznit će se za prekršaj:

a) lovačka organizacija (član 11. stav (4) ovog zakona) i sportska streljačka organizacija (član 11. stav (7) ovog zakona) koji u propisanom roku ne dostave dokaz o prestanku članstva,

b) pravno lice i poduzetnik koji ne izda posebnu potvrdu licu kojem povjeravaju oružje i koji ne obavijesti nadležnu policijsku upravu o licu kojem je povjerila oružje (član 21. stav (3) ovog zakona),

c) pravno lice i poduzetnik koji u propisanom roku ne vrati odobrenje za nabavljanje oružja (član 22. stav (3) ovog zakona),

d) pravno lice i poduzetnik koji u propisanom roku ne podnese pisani zahtjev nadležnoj policijskoj upravi za

registraciju oružja i izdavanje odobrenja za držanje oružja i ne vodi evidenciju o nabavljenom oružju (član 27. stav (2) ovog zakona),

e) pravno lice i poduzetnik koji u propisanom roku ne prijavi zamjenu vatrenog oružja, odnosno ne predaje odobrenje za držanje oružja i ne podnese zahtjev za izdavanje novog odobrenja za držanje oružja, (član 28. stav (3) ovog zakona),

f) pravno lice ili poduzetnik koji u propisanom roku ne prijave prenos prava svojine na vatreno oružje (član 28. st (5) i (6) ovog zakona),

g) pravno lice i poduzetnik koji postupi protivno odredbama člana 46. ovog zakona,

h) imalac oružja koji postupi protivno odredbi člana 48. stav (1) ovog zakona,

i) pravno lice i poduzetnik koji u propisanom roku ne obavijesti nadležnu policijsku upravu o upisu u sudski

registrovati, odnosno registrovati poduzetnika (član 60. stav (3) ovog zakona),

j) ovlašteni prodavač oružja koji proda municiju licu koje nema važeću ispravu o oružju (član 61. stav (2) ovog zakona),

k) ovlašteni prodavač oružja koji postupi protivno odredbi člana 61. stav (3) ovog zakona,

l) pravno lice i poduzetnik koji u propisanom roku ne obavijesti nadležnu policijsku upravu o upisu u sudski

registrovati, odnosno registrovati poduzetnika (član 64. stav (3) ovog zakona),

m) pravno lice i poduzetnik koji u propisanom roku ne obavijesti nadležnu policijsku upravu o upisu u sudski

registrovati, odnosno registrovati poduzetnika (član 65. stav (3) ovog zakona),

n) pravno lice, poduzetnik, sportska streljačka organizacija, lovačka organizacija, ovlašteni prodavač oružja i stručna ovlaštena organizacija koji ne vode propisane evidencije iz člana 70. ovog zakona.

(2) Za prekršaje iz stava (1) ovog člana kaznit će se novčanom kaznom od 1.000,00 do 3.000,00 KM i odgovorno lice u pravnom licu i poduzetnik.

(3) Za prekršaje iz stava (1) tač. d), h) i j) ovog člana izreći će se I zaštitna mjera oduzimanja oružja, municije, bitnih dijelova oružja i isprava o oružju, a za prekršaj iz stava (1) tačka j) može se izreći i zaštitna mjera zabrane vršenja djelatnosti od tri mjeseca do šest mjeseci.

Član 83.
(Usklađivanje obavljanja djelatnosti)

(1) Pravno lice i poduzetnik koji obavlja djelatnost prometa oružja, bitnih dijelova oružja i municije, posredovanja u prometu oružjam bitnih dijelova oružja i municije, popravljanja i prepravljanja oružja ili vođenje civilnih strelišta, dužno je svoje poslovanje uskladiti s odredbama ovog zakona u roku od devet mjeseci od dana stupanja na snagu ovog zakona.

(2) Pravnom licu i poduzetniku iz stava (1) ovog člana, koji u roku iz stava (1) ovog člana ne podnese zahtjev nadležnoj policijskoj upravi u cilju usklađivanja poslovanja s odredbama ovog zakona, nadležna policijska uprava će rješenjem zabraniti daljnje obavljanje djelatnosti.

Član 84.
(Legalizacija oružja)

(1) Lice koje posjeduje oružje kategorije B bez isprave o oružju, a koje prema ranije važećim propisima nije registrovano, dužno je da najkasnije do 31.12.2018. godine, podnese zahtjev za izdavanje isprave o oružju.

(2) Prilikom podnošenja zahtjeva lice nije dužno da dokazuje porijeklo oružja.

(3) Isprava o oružju se neće izdati licu koje ne ispunjava uvjete iz člana 10. st. (4) i (5) ovog zakona kao i kada se oružje potražuje od nadležnih organa i u slučaju kada je oružje već registrovano.